

春秋左傳杜注卷第七

華亭姚培謙學

僖公

經二十有七年春杞子來朝○夏六月庚寅齊侯

昭卒十九年與魯大夫盟于齊○史記齊世家孝公卒弟潘因衛公子開方殺孝公子而立是為昭公○秋八月乙

未葬齊孝公無傳三月而葬速○乙巳公子遂帥師入杞弗地曰入

八月無乙巳乙巳九月六日○冬楚人陳侯蔡侯鄭伯許男圍宋傳言楚子

使子玉去宋經書人者恥不得志以微者告猶序諸侯之上楚主兵故○陳氏傳良曰楚子稱人嫌子楚以伯也十有二月甲

戌公會諸侯盟于宋無傳諸侯伐宋公與楚有好而往會之非後期宋方見圍無嫌於與盟故直以宋地

傳二十七年春杞桓公來朝用夷禮故曰子

杞先代之後而

迫於東夷風俗雜壞言語衣服有時而夷故杞子卒傳言其夷也今稱朝者始於朝禮終而不全異於介葛盧故唯貶其爵。按二十三年經書杞子卒劉氏敞曰杞其稱子何也天子貶之此說是也今謂孔子貶之妄也公卑杞杞不共也

杞用夷禮故賤之

○夏齊孝公卒有齊怨

前年齊再伐魯

不廢喪紀禮也

弔贈之數不有廢

○秋入杞責無禮也

責不共也

○楚子將圍宋使子文治兵於睽

子文時不為令尹故云使治兵習號令也睽楚邑

終朝而畢不戮一人

終朝自旦及食時也子文欲委重於子玉故略其事

子玉復治兵

於蔿

子玉為令尹故蔿楚邑。蔿于委反

終日而畢鞭七人貫三人耳國老

皆賀子文子文飲之酒

賀子玉堪其事。飲去聲

蔿賈尚幼後至不

賀

蔿賈伯贏孫叔敖之父幼少也

子文問之對曰不知所賀子之傳政

於子玉曰以靖國也靖諸內而敗諸外所獲幾何

子玉之敗子之舉也舉以敗國將何賀焉子玉剛

而無禮不可以治民過三百乘其不能以入矣苟

入而賀何後之有

三百乘二萬二千五百人

冬楚子及諸侯圍宋宋

公孫固如晉告急

公孫固宋莊公孫

先軫曰報施救患取威定霸

於是乎在矣

先軫晉下軍之佐原軫也報宋贈馬之施

狐偃曰楚始得曹而新昏於

衛若伐曹衛楚必救之則齊宋免矣

前年楚使申叔侯成穀以偪齊

於

是乎蒐于被廬

晉常以春蒐禮改政令敬其始也被廬晉地

作三軍

閔元年晉獻公作二軍今復大

國之禮中軍謀元帥趙衰曰卻穀可臣亟聞其言矣說禮

樂而敦詩書穀胡木反亟詩書義之府也禮樂德之

則也德義利之本也復書曰賦納以言明試以功

車服以庸尚書虞夏書也賦納以言觀其志也明試以功考其事也車服

篇漢魏諸儒不見古文因伏生之謬從君其試之乃使卻穀將

中軍卻溱佐之使狐偃將上軍讓於狐毛而佐之

狐毛偃之兄命趙衰為卿讓於欒枝先軫欒枝貞子也使欒枝

將下軍先軫佐之荀林父御戎魏犇為右荀林父中行桓子

晉侯始入而教其民二年欲用之二十四年入子犯曰民

未知義未安其居無義則苟生於是乎出定襄王二十五年定襄王以示事

君之義入務利民民懷生矣將用之子犯曰民未知信

未宣其用宣明也未明於見用之信。孔疏信是人之所用若未伐原示信民未明于信是人用於是乎伐

原以示之信伐原在二十五年民易資者不求豐焉不詐以求多明

徵其辭重言信公曰可矣乎子犯曰民未知禮未生其

共於是乎大蒐以示之禮蒐順少長明貴賤作執秩以正其

官執秩主爵秩之官民聽不惑而後用之出穀戍釋宋圍楚子使申

叔去穀子王去宋一戰而霸文之教也謂明年戰城濮。孔疏是文德之教也

經二十有八年春晉侯侵曹晉侯伐衛再舉晉侯者曹衛兩來告

公子買戍衛不卒戍刺之公子買魯大夫子業也內殺大夫皆書刺言用周禮三刺之法示不枉濫也公實畏晉殺子業而誣叢以廢戍之罪恐不為遠近所信故顯書其罪

○胡傳內殺大夫稱刺者若曰刺審其情與眾棄之而專殺之罪則一耳楚

人救衛○三月丙午晉侯入曹執曹伯昇宋人昇與也執

諸侯當以歸京師晉欲怒楚使戰故以與宋所謂譎而不正○夏四月己巳晉侯齊師宋

師秦師及楚人戰于城濮楚師敗績宋公齊國歸父秦小子慙既次城濮以師

屬晉不與戰也子玉及陳蔡之師不書楚人恥敗告文略也大崩曰敗績○楚殺其大夫得臣子玉違其君命

以取敗稱名以殺罪之○衛侯出奔楚○五月癸丑公會晉侯齊

侯宋公蔡侯鄭伯衛子莒子盟于踐土踐土鄭地王子虎臨盟不同軟

故不書衛侯出奔其弟叔武攝位受盟非王命所加從未成君之禮故稱子而序鄭伯之下經書癸丑月十八日也傳書癸亥月二十八日經傳必有誤

○括地志滎澤縣西北十五里有王宮城城內東北隅有踐土臺滎澤今屬河南開封府○陳侯如會無傳陳本與楚楚敗懼而屬晉來不及

盟故曰如會○公朝于王所無傳王在踐土非京師故曰王所○六月衛侯鄭

自楚復歸于衛復其位曰復歸晉人感叔武之賢而復衛侯衛侯之入由於叔武故以國逆為文例在成十八年衛

元咺出奔晉元咺衛大夫雖為叔武訟訴失君臣之節故無賢文奔例在宣十年○陳侯款

卒無傳凡四同盟○秋杞伯姬來無傳莊公女歸寧曰來○公子遂如齊無傳聘也

○冬公會晉侯齊侯宋公蔡侯鄭伯陳子莒子邾

子秦人于温陳共公稱子先君未葬例在九年宋襄公稱子自在本班陳共公稱子降在鄭下陳懷公稱子而在鄭上傳無

義例蓋主會所次非褒貶也○天王狩于河陽晉地今河內有河陽縣晉實召王為其辭逆而意順故經以王狩為

辭○穀梁傳水北為陽山南為陽温河陽也今屬河南懷慶府壬申公朝于王所壬申十月十日有日而無月史

關文 ○晉人執衛侯歸之于京師 稱人以執罪及民也例在成十五年諸侯不得相治故歸之京

師 衛元咺自晉復歸于衛 元咺與衛侯訟得勝而歸從國逆例者明衛侯無道於民國人與元咺

諸侯遂圍許 會溫諸侯也許比再會不至故因會共伐之 曹伯襄復歸于曹 晉感侯孺

之言而復曹伯故從國逆例 遂會諸侯圍許 言遂得復而行不歸國也

傳二十八年春晉侯將伐曹假道于衛 曹在衛東故 衛人

弗許還自南河濟 從汲郡南渡出衛南而東○水經注棘津亦謂之濟津故南津也晉自南河濟即此今在河南

衛輝府汲縣南七里 侵曹伐衛正月戊申取五鹿 五鹿衛地 二月晉郤

穀卒原軫將中軍胥臣佐下軍上德也 先軫以下軍佐超將中軍故曰上德

胥臣司空季子 晉侯齊侯盟于斂孟 斂孟衛地○今直隸大名府開州東南有斂孟聚 衛侯請

盟晉人弗許衛侯欲與楚國人不欲故出其君以

說于晉衛侯出居于襄牛 襄牛衛地○秦置襄邑縣明初省縣併入睢州今屬河南歸德府

公子買戍衛 晉伐衛衛楚之昏姻魯欲與楚故戍衛 楚人救衛不克公懼於

晉殺子叢以說焉 名子叢而殺之以謝晉 謂楚人曰不卒戍也 詐告楚人


言子叢不終戍事而歸故殺之殺子叢在楚救衛下經在上者救衛赴晚至○孔疏魯殺子叢本有兩意謂晉云買比來戍衛今不使終其戍事是以殺之謂楚云比令買戍衛買

不終戍事是以殺之 ○晉侯圍曹門焉多死 攻曹城門 曹人尸諸

城上 磔晉死人於城上○磔張宅反 晉侯患之聽輿人之謀曰稱舍於

墓 輿衆也舍墓為將發冢 師遷焉曹人兇懼 遷至曹人墓兇兇恐懼聲○兇凶勇反 為其所

得者棺而出之因其兇也而攻之三月丙午入曹



數之以其不用僖負羈而乘軒者三百人也且曰
獻狀軒大夫車言其無德居位者多故責其功狀。棺古患反數上聲。令無入僖負羈之宮而

免其族報施也。報殮壁之施。○施去聲。魏犇顛頡怒曰勞之不圖

報於何有。二子各有從亡之勞。藝僖負羈氏。藝燒也。○藝如悅反。魏犇傷於

曾公欲殺之而愛其材材力使問且視之病將殺之

魏犇束曾見使者曰以君之靈不有寧也。言不以病故自安寧。○見

使並去聲。距躍三百曲踊三百。距躍超越也曲踊跳踊也百猶勤也。○孔疏言每跳皆勉力為之百音陌跳徒

彫反勸音邁。乃舍之殺顛頡以徇于師立舟之僑以為戎

右。舟之僑故號巨閔二年奔晉以代魏犇為先歸張本。宋人使門尹般如晉師告急。門尹般宋

大夫。○般音班。公曰宋人告急舍之則絕。與晉絕。告楚不許我欲

戰矣齊秦未可若之何。未肯戰。先軫曰使宋舍我而賂

齊秦。求救於齊秦。藉之告楚。假借齊秦使為宋請。我執曹君而分曹衛

之田以賜宋人楚愛曹衛必不許也。不許齊秦之請。喜賂怒

頑能無戰乎。言齊秦喜得宋賂而怒楚之頑必自戰也不可告請故曰頑。公說執曹伯分

曹衛之田以畀宋人楚子入居于申。申在方城內故曰入。使申

叔去穀。二十六年申叔成穀。使子玉去宋曰無從晉師晉侯在

外十九年矣而果得晉國。晉侯生十七年而亡七十九年而反凡三十六年至此四十矣。險

阻艱難備嘗之矣民之情偽盡知之矣天假之年

獻公之子九人唯文公在故曰天假之年

而除其害

除惠懷呂卻

天之所置其可廢乎

軍志曰允當則歸

無求過分軍志兵書○當去聲

又曰知難而退又曰

有德不可敵此三志者晉之謂矣

謂今與晉遇當用此三志

子玉使

伯勞請戰

伯勞子越椒也鬪伯比之孫○勞扶云反

曰非敢必有功也願以間

執讒慝之口

間執猶塞也讒慝若為賈之言謂子玉不能以三百乘入○間去聲

王怒少與之師

唯西廣東宮與若敖之六卒實從之

楚子還申遣此兵以就前圍宋之衆楚有

左右廣又犬子有宮甲分取以給之若敖楚武王之祖父葬若敖者子玉之祖也六卒子玉宗人之兵六百人言不悉師以益之○孔疏周禮車僕掌戎路之萃廣車之萃鄭氏云廣車橫陳之車襄十一年鄭人賂晉侯以廣車蓋兵車之名名之為廣因即以車表兵謂屬西廣之兵也凡制軍百人為卒廣去聲

子玉使宛春告於晉師曰請復衛侯而封曹臣亦

釋宋之圍

衛侯未出竟曹伯見執在宋已失位故言復衛封曹○宛於元反

子犯曰子玉無禮

哉君取一臣取二

君取一以釋宋圍惠晉侯臣取二復曹衛為已功

不可失矣言可伐先

軫曰子與之定人之謂禮楚一言而定三國我一

言而亡之我則無禮何以戰乎不許楚言是弃宋

也救而弃之謂諸侯何言將為諸侯所性楚有三施我有三

怨怨讎已多將何以戰不如私許復曹衛以攜之

私許二國使告絕於楚而後復之攜離也○施去聲

執宛春以怒楚既戰而後圖之須勝負決

乃定公說乃拘宛春於衛且私許復曹衛曹衛告絕

於楚子玉怒從晉師晉師退軍吏曰以君辟臣辱

也且楚師老矣何故退子犯曰師直為壯曲為老

豈在久乎微楚之惠不及此重耳過楚楚成王有贈送之惠退三舍辟

之所以報也一舍三十里初楚子云若反國何以報我故以退三舍為報背惠食言以亢

其讎亢猶當也讎謂楚也我曲楚直其眾飽不可謂老直氣盈飽。孔

疏素訓為空忽怒之深空腹不食直氣盈飽也我退而楚還我將何求若其不還

君退臣犯曲在彼矣退三舍楚眾欲止子玉不可

夏四月戊辰晉侯宋公齊國歸父崔天秦小子憖

次于城濮國歸父崔天齊大夫也小子憖秦穆公子也城濮衛地。天於表反憖魚覲反楚師背鄩而

舍鄩邱陵險阻名。孔疏蓋所舍之處有邱陵名鄩其處有險阻晉侯患之聽輿人之誦恐眾畏險

故聽其歌誦曰原田每每舍其舊而新是謀高平曰原喻晉君美盛若原田之草每每

然可以謀立新功不足念舊惠。每音梅公疑焉疑眾謂已背舊謀新子犯曰戰也戰而捷

必得諸侯若其不捷表裏山河必無害也晉國外河而內山

公曰若楚惠何欒貞子曰漢陽諸姬楚實盡之貞子欒枝

也水北曰陽姬姓之國在漢北者楚盡滅之思小惠而忘大恥不如戰也晉侯

夢與楚子搏搏手楚子伏已而監其腦監噫也。監音古噫子答反是

以懼子犯曰吉我得天楚伏其罪吾且柔之矣晉侯上向

故得天楚子下向地故伏其罪腦所以柔物子犯審見事宜故權言以答夢子玉使鬬勃請戰鬬勃楚大夫

曰請與君之士戲君馮軾而觀之得臣與寓目焉

寓寄也。晉侯使欒枝對曰。寡君聞命矣。楚君之惠與音預。

未之敢忘。是以此為大夫退。其敢當君乎。既不

獲命矣。不獲敢煩大夫。謂二三子。煩鬪勃令戒勃戒爾車

乘。敬爾君事。詰朝將見。詰朝晉車七百乘。鞶鞶鞶鞶

之虛。以觀師。曰。少長有禮。其可用也。有莘故國名。少長猶言大小。虛邱魚反。

以益其兵。伐木以益攻戰之具。輿曳柴亦是也。已巳。晉師陳于莘北。胥臣以

下軍之佐當陳蔡。子玉以若敖之六卒將中軍。曰。

今日必無晉矣。子西將左。子上將右。子西鬪宜申。子上鬪勃。陳去聲。胥

臣蒙馬以虎皮。先犯陳蔡。陳蔡奔。楚右師潰。陳蔡屬楚右師。

狐毛設二旆而退之。旆大旗也。又建二旆而退。使若大將稍却。欒枝使輿曳柴

而偽遁。曳。狀起塵。詐為眾走。楚師馳之。原軫卻溱。以中軍公族

橫擊之。公族。公所率之軍。狐毛狐偃以上軍夾攻子西。楚左

師潰。楚師敗績。子玉收其卒而止。故不敗。三軍唯中軍完。是大崩。

晉師三日館穀。館舍也。食楚軍穀三日。及癸酉而還。甲午。至于衡

雍。作王宮于踐土。衡雍。鄭地。今滎陽卷縣。襄王聞晉戰勝。自往勞之。故為作宮。雍。去聲。卷。音權。今開封府原

鄉役之三月。鄉。猶屬也。城濮役之前三月。鄉許亮反。屬音燭。鄭伯如楚

武縣西北五里有衡雍城。即衡雍也。

武縣西北五里有衡雍城。即衡雍也。

武縣西北五里有衡雍城。即衡雍也。

武縣西北五里有衡雍城。即衡雍也。

武縣西北五里有衡雍城。即衡雍也。

武縣西北五里有衡雍城。即衡雍也。

武縣西北五里有衡雍城。即衡雍也。

致其師為楚師既敗而懼使子人九行成于晉子人九

名晉欒枝入盟鄭伯五月丙午晉侯及鄭伯盟于

衡雍丁未獻楚俘于王駟介百乘徒兵千駟介四馬被甲徒兵步卒

鄭伯傅王用平禮也傅相也以周平王享晉文侯仇之禮享晉侯已酉王享醴

命晉侯宥既饗又命晉侯助以束帛以將厚意王命尹氏及王子虎內史叔

興父策命晉侯為侯伯以策書命晉侯為伯也周禮九命作伯尹氏王子虎皆王卿士也叔興父大夫也三

官命之賜之大輅之服戎輅之服大輅金輅戎輅戎車二輅各有服孔疏周禮司服侯伯

之服自鷩冕而下凡兵車韋弁服金輅祭祀所乘其大輅之服當謂鷩冕之服戎輅之服當謂韋弁服也

彤弓一彤矢百 彤弓矢千彤赤弓也 彤黑弓也 彤一矢百則矢千弓十矣 諸侯賜弓矢然後專征伐 彤音盧 彤鬯一卣 黍鬯

香酒所以降神卣器名也 卣音酉爾雅云中尊也虎賁三百人曰王謂叔父敬服王

命以綏四國糾逖王慝逖遠也 有惡於王者糾而遠之 逖勅歷反晉侯三辭

從命曰重耳敢再拜稽首奉揚天子之丕顯休命

稽首首至地丕大也休美也受策以出出入三覲出入猶去來也從來至去凡三見王衛侯聞

楚師敗懼出奔楚遂適陳自襄牛出使元咺奉叔武以受

盟奉使攝君事癸亥王子虎盟諸侯于王庭踐土宮之庭書踐土別於京師要

言曰皆獎王室無相害也有渝此盟明神殛之俾

隊其師無克祚國獎助也渝變也殛誅也俾使也隊隕也克能也 隊音墜及而玄孫無

有老幼君子謂是盟也信合義信謂晉於是役也能以

德攻以文德教民而後用之 ○初楚子玉自為瓊弁玉纓未之服

也弁以鹿子皮為之瓊王之別名次之以飾弁及纓詩云會弁如星 先戰夢河神謂已曰畀余

余賜女孟諸之麋孟諸宋數澤水草之交曰麋○今歸德府治東北有孟諸澤麋通作湄 弗致也

大心與子西使榮黃諫大心子玉之子子西子玉之族子玉剛愎故因榮黃榮黃榮季也 弗聽

榮季曰死而利國猶或為之况瓊玉乎是糞土也

而可以濟師將何愛焉因神之欲以附百姓之願濟師之理 弗聽出告二子

曰非神敗令尹令尹其不勤民實自敗也盡心盡力無所愛惜為勤

既敗王使謂之曰大夫若入其若申息之老何申息二邑子弟皆從子玉而死言何以見其父老 子西孫伯曰得臣將死二臣止之曰

君其將以為戮孫伯即大心子玉子也二子以此答王使言欲令子玉往就君戮 及連穀而死

至連穀王無赦命故自殺也文十年傳曰城濮之役王使止子玉曰無死不及子西亦自殺縊而縣絕故得不死王時別遣追前使連穀楚地殺得臣經在踐土盟上傳在下者說晉事畢而次及楚屬文之宜 晉侯聞之而後

喜可知也喜見於顏色○顧氏炎武曰古人多以見為知呂氏春秋文侯不悅知于顏色注知猶見也 曰莫余毒

也已焉呂臣實為令尹奉已而已不在民矣言其自守無大志

○或訴元咺於衛侯曰立叔武矣其子角從公公

使殺之角元咺子 咺不廢命奉夷叔以入守夷謚○守去聲 六月晉

人復衛侯以叔武受盟於踐土故聽衛侯歸○聽平聲 甯武子與衛人盟于宛

濮武子甯俞也陳留長垣縣西南有宛亭近濮水○宛於阮反濮水在今大名府開州界 曰天禍衛國君臣

不協以及此憂也衛侯欲與楚國人今天誘其衷衷中使皆

降心以相從也不有居者誰守社稷不有行者誰

扞牧圍牛曰牧馬曰圍不協之故用昭乞盟于爾大神以誘

天衷自今日以往既盟之後行者無保其力居者

無懼其罪有渝此盟以相及也以惡相及明神先君是糾

是殛國人聞此盟也而後不貳傳言叔武之賢甯俞之忠衛侯所以書復歸衛

侯先期入不信叔武先去聲甯子先長牂守門以為使也與

之乘而入長牂衛大夫甯子惠公之欲速故先入欲安喻國人公子歆犬華仲

前驅衛侯遂驅奄甯子未備二子衛大夫歆市專反華去聲叔武將沐聞君至喜捉髮

走出前驅射而殺之公知其無罪也枕之股而哭

之公以叔武尸枕其股射音石枕去聲歆犬走出手射叔武故公使殺之元咺出

奔晉元咺以衛侯驅入殺叔武故至晉愬之公羊傳文公逐衛侯而立叔

武叔武辭立而他人立則恐衛侯之不得反也故于是已立然後為踐

土之會治反衛侯衛侯得反曰叔武篡我元咺爭之曰叔武無罪終殺叔武元

咺走而出李氏廉曰公羊與左傳所載小異由左氏言之則衛侯為誤殺由公

羊言之則衛侯為忌殺然衛侯之內忌信讒始于殺角之時今之殺

叔武乃其本心特誣罪於前驅以告諸侯爾此公羊所以為實錄也

○城濮之戰晉中軍風于澤牛馬因風而走皆失之亡大旆之左

旆大旆旗名繫旒曰旆通帛曰旆孔疏釋天云緇廣充幅長尋曰旒繼旒

曰旆則旆是旗之尾也今別名大旆則此旆有異于常故以大旆為旗名

上云狐毛設二旆而退之亦此類也通帛謂大赤從周正色無飾謂之左旆蓋是左軍所建者

○城濮之戰晉中軍風于澤牛馬因風而走皆失之亡大旆之左

令○瞞莫干反奸音干司馬殺之以徇于諸侯使茅茷代之師還

壬午濟河舟之僑先歸士會攝右權代舟之僑也士會隨武子士為之孫○棧扶廢反

秋七月丙申振旅愷以入于晉愷樂也○兵樂曰愷通作凱獻俘授

馘飲至大賞授數也獻楚俘於廟徵會討貳徵名諸侯將冬會於溫殺舟之僑

以徇于國民於是大服君子謂文公其能刑矣三

罪而民服三罪顛頑邪瞞舟之僑詩云惠此中國以綏四方不失

賞刑之謂也詩大雅言賞刑不失則中國受惠四方安靖

○冬會于溫討不服也討衛許○吳氏徵曰諸侯服楚而同圍宋者陳蔡鄭許也楚既敗蔡鄭即從晉陳雖後盟亦來如會獨許最弱而猶不改圖故合諸侯以討許也衛侯既赦之使復國矣猶欲討衛者元咺訴之于晉故晉聽其訴而又欲討衛也

○衛侯與元咺訟爭殺叔武事甯武子為輔鍼莊子為坐

士榮為大士大士治獄官也周禮命夫命婦不躬坐獄訟元咺又不宜與其君對坐故使鍼莊子為主又使衛之忠臣及其獄官質正元咺傳曰王叔之宰與伯與之大夫坐獄於王庭各不身親蓋令長吏有罪先驗吏卒之義也○鍼其廉反衛侯不勝

辭三子殺士榮刑鍼莊子謂甯俞忠而免之執衛侯歸

之于京師寘之深室深室別為囚室甯子職納橐籥焉甯俞以君在幽

隘故親以衣食為己職橐衣囊籥麻也言其忠至所慮者深元咺歸于衛立公子瑕瑕衛公子適丁

○是會也晉侯召王以諸侯見且使王狩晉侯大合諸侯而欲尊事天子以為名義自嫌強大不敢朝周喻王仲尼曰以臣召君不可

以訓故書曰天王狩于河陽言非其地也使若天王自狩以失地故

傳公

三

三

書河陽實以屬晉非王狩地。○李氏廉曰：此非講武之狩，蓋假巡狩之禮以為辭也。且明德也。隱其名君之闕欲以明晉之功德河陽之狩趙盾之弒泄治之罪皆違凡變例以起大義危疑之理故特稱仲尼以明之壬申公朝于王所。執衛侯經在朝王下傳在上者告執晚

○丁丑諸侯圍許。十月十五日有日無月晉侯有疾曹伯之豎侯

孺貨筮史。豎掌通內外者史晉史使曰以曹為解。以滅曹為解故齊桓公為

會而封異姓。封邢衛今君為會而滅同姓曹叔振鐸文

之昭也。叔振鐸曹始封君文王之子先君唐叔武之穆也且合諸侯

而滅兄弟非禮也與衛偕命。私許復曹衛而不與偕復非

信也同罪異罰非刑也。衛已復故禮以行義信以守禮刑

以正邪舍此三者君將若之何公說復曹伯遂會諸侯圍許

○晉侯作三行以禦狄荀林父將中行屠擊將右

行先蔑將左行。晉置上中下三軍今復增置三行以辟天子六軍之名三行無佐疑大夫帥○行戶即反

經二十有九年春介葛盧來。介東夷國也在城陽縣陬縣葛盧介君名也不稱朝不見公且

不能行朝禮雖不見公國賓禮之故書。○今山東萊州府膠州西南七十里有黔陬城。○公至自圍許。無傳

夏六月會王人晉人宋人齊人陳人蔡人秦人盟

于翟泉。翟泉今洛陽城內大倉西南池水也魯侯諱盟天子大夫諸侯大夫又違禮盟公侯王子虎違禮下盟故不言公會又皆稱人

○今河南河南府洛陽縣東北二十里有翟泉古城大音泰。○秋大雨雹。雨去聲雹蒲學反○季氏本曰不書月日闕文

也。○冬介葛盧來。

傳二十九年春介葛盧來朝舍于昌衍之上。

魯縣東南有昌

平城。在今山東兗州府曲阜縣東南八十里。

公在會饋之芻米禮也。

饋故曰禮也。嫌公行不當致。

○夏公會王子虎晉狐偃宋公孫固齊國歸父陳

轅濤塗秦小子憇盟于翟泉尋踐土之盟且謀伐

鄭也。

經書蔡人而傳無名氏即微者秦小子憇在蔡下者。若宋向戌之後會。孔疏此會鄭人不至故謀伐之。

卿不書罪

之也。

晉侯始霸翼戴天子諸侯輯睦王室無虞而王子虎下盟列國以瀆大典諸侯大夫上敵公侯虧禮傷教故貶諸大夫諱公與盟。

在

禮卿不會公侯會伯子男可也。

大國之卿當小國之君故可以會伯子男諸卿之見貶亦

兼有此闕故傳重發之。

○秋大雨雹為災也。

○冬介葛盧來以未見公故復來朝禮之加燕好

燕燕禮也好好貨也一歲再來故加之。好去聲。

介葛盧聞牛鳴曰是生三犧皆用

之矣其音云問之而信。

傳言人聽或通鳥獸之情。

經三十年春王正月○夏狄侵齊○秋衛殺其大

夫元咺及公子瑕。

咺見殺稱名者訟君求直又先歸立公子瑕非國人所與罪之也瑕立經年未會諸侯故不稱君。

衛侯鄭歸于衛。

魯為之請故從諸侯納之例例在成十八年。

○晉人秦人圍鄭

晉軍函陵秦軍汜南各使微者圍鄭故稱人。

○介人侵蕭。

無傳。

○冬天王使宰周

公來聘。

周公天子三公兼冢宰也。

公子遂如京師遂如晉。

如京師報宰周公。

傳三十年春晉人侵鄭以觀其可攻與否狄間晉之有鄭虞也夏狄侵齊齊晉與國間去聲

○晉侯使醫衍酖衛侯衍醫名晉侯實怨衛侯欲殺而罪不及死故使醫因治疾而加酖毒○酖音鴆

甯俞貨醫使薄其酖不死甯俞視衛侯衣食故得知之公為之請納

玉於王與晉侯皆十穀王許之雙玉曰穀公本與衛同秋好故為之請○穀音角

乃釋衛侯衛侯使賂周欵治厯曰苟能納我吾使

爾為卿恐元咺距已故賂周治○厯音覲周治殺元咺及子適子儀子儀瑕母弟不

先入及門遇疾而死治厯辭卿見周欵死而懼周欵

書殺賤也○適丁歷反

公入祀先君周治既服將命服卿服將入廟受命周欵

○九月甲午晉侯秦伯圍鄭以其無禮於晉文公亡過鄭鄭

不禮且貳於楚也○翟泉之盟不至晉軍函陵秦軍汜南此東汜也在滎

陽中牟縣南○函陵汜俱屬河南開封府佚之狐言於鄭伯曰國危矣若使燭

之武見秦君師必退佚之狐燭之武皆鄭大夫公從之辭曰臣之壯

也猶不如人今老矣無能為也已公曰吾不能早

用子今急而求子是寡人之過也然鄭亡子亦有

不利焉許之夜縋而出縋縣城而下○縋丈偽反見秦伯曰秦晉圍

鄭鄭既知亡矣若亡鄭而有益於君敢以煩執事

執事亦謂秦越國以鄙遠君知其難也設得鄭以為秦邊邑則越晉而難保焉用

亡鄭以陪鄰也陪益鄰之厚君之薄也若舍鄭以為東

道主行李之往來共其乏困行李使人。孔疏昭十三年傳云行李之命杜云行李理使人周

且君嘗為晉君賜矣許君焦瑕朝濟而夕設版焉語行理以節逆之賈逵云理吏也小行人也孔晁注國語其本亦作李字注云行李行人之官也然則兩字通用

君之所知也晉君謂惠公也焦瑕晉河外五城之二邑朝濟河而夕設版築以距秦言背秦之速。故焦城在今河南河南府陝

又欲肆其西封肆申也若不闕秦將焉取之闕秦以

利晉唯君圖之秦伯說與鄭人盟使杞子逢孫揚

孫戍之乃還三子秦大夫反為鄭守子犯請擊之公曰不可微夫

人之力不及此請擊秦也夫因人之力而敝之不仁失

其所與不知以亂易整不武秦晉和整而還相攻更為亂也。知音智吾其還

也亦去之

○初鄭公子蘭出奔晉蘭鄭穆公從於晉侯伐鄭請無與

圍鄭許之使待命于東晉東界。與音預鄭石甲父侯宣多

逆以為天子以求成于晉晉人許之二子鄭大夫言穆公所以立

○冬王使周公閱來聘饗有昌歠白黑形鹽昌歠白蒲菹白

辭曰國君文足昭也武可畏也則有熬稻黑熬黍形鹽鹽形象虎。歠在感反

備物之饗以象其德薦五味羞嘉穀鹽虎形嘉穀熬稻黍也

以象其文也。鹽虎形以象武也。五味謂昌歎之類。以獻其功。吾何以堪之。

○東門襄仲將聘于周。遂初聘于晉。公既命襄仲聘周未行故曰將。又云自周聘晉故曰遂。自入春秋魯始聘晉。故曰初。

聘晉故曰遂。自入春秋魯始聘晉。故曰初。

經三十有一年春。取濟西田。晉分曹田以賜魯。故不繫曹。不用師徒。故曰取。胡傳不繫國者。吾故也。

○公子遂如晉。○夏四月。四卜。郊不從。乃免

牲。龜曰卜。不從不吉也。卜郊不吉。故免牲。免猶縱也。○孔疏周禮大宰職云。祀五帝。前期十日。帥執事而卜。日然則將祭。必十日之前。豫卜之也。言四卜郊者。蓋三月每旬一卜。至四月上旬更一卜。乃成為四卜也。啖氏助曰。天子以冬至祭上帝。又以夏之孟春祈穀于上帝于郊。故謂之郊。魯以周公之故。特以孟春祈穀于上帝。亦謂之郊。郊皆用辛日。故以二月卜。三月上辛不吉。則卜中辛。又不吉。則卜下辛。所謂吉事先日也。卜三旬皆不吉。則不郊。

猶三望。三望分野之星。國中山川皆因郊祀望而祭之。魯廢郊天而修其小祀。故曰猶猶者。可止之辭。○公羊傳。三望者何。望祭也。然則

曷祭。祭泰山河海。胡傳。天子有方望。無所不通。諸侯非名山大川在其封內者。則不祭。魯得用重禮。視王室則殺。故望止于三。比諸侯則隆。故河海雖不在其封而亦祭。汪氏克寬曰。周官四望。蓋望四方。今魯三望。蓋泰山在魯西。海在魯東。河在魯北也。

○秋七月。○冬。杞

伯姬來求婦。無傳。自為其子成昏。○狄圍衛。十有二月。衛遷于

帝邱。辟狄難也。帝邱。今東郡濮陽縣故帝顓頊之虛。故曰帝邱。○今直隸大名府開州有顓頊城是也。

傳三十一年春。取濟西田。分曹地也。二十八年。晉文討曹。分其地。竟界未定。至是乃以賜諸侯。

使臧文仲住宿於重館。高平方與縣西北有重鄉城。○方與。今山東兗州府魚臺縣也。

重館人告曰。晉新得諸侯。必親其共。不速行。將

無及也。從之。分曹地自洮以南。東傳于濟。盡曹地

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

也。文仲不書。請田而已。非聘享會同也。濟水自滎陽東。襄仲如晉。拜過魯之西。至樂安入海。○共音恭。傳音附。盡津忍反。

曹田也

○夏四月四卜郊不從乃免牲非禮也

諸侯不得郊天魯以周公故得

用天子禮樂故郊為魯常祀。公羊傳三卜禮也四卜非禮也三卜何以禮求吉之道三穀梁傳夏四月不時也

猶三望亦非

禮也禮不卜常祀

必其時

而卜其牲日

既得吉日則牲牛改名曰牲

牲成而卜郊上怠慢也

怠於古典慢瀆龜策

望郊之細

也不郊亦無望可也

○秋晉蒐于清原作五軍以禦狄

二十八年晉作三行今罷之更為上下新軍河

東聞喜縣北有清原。在今山西平陽府稷山縣西北二十里

趙衰為卿

二十七年命趙衰為卿讓於欒枝今始從原大夫為新軍帥

○冬狄圍衛衛遷于帝邱卜曰三百年衛成公夢

康叔曰相奪予享

相夏后啓之孫居帝邱享祭也。相息亮反

公命祀相甯武

子不可曰鬼神非其族類不歆其祀

歆猶饗也

祀鄩何事

言祀鄩夏後自當祀相

相之不享於此久矣非衛之罪也

言帝邱久不祀相非衛所

絕不可以間成王周公之命祀

諸侯受命各有常祀

請改祀命

改祀相之命

○鄭洩駕惡公子瑕鄭伯亦惡之故公子瑕出奔

楚

瑕文公子傳為納瑕張本洩駕亦鄭大夫隱五年洩駕距此九十年疑非一人

經三十有二年春王正月○夏四月己丑鄭伯捷

卒

無傳文公也三同盟

○衛人侵狄

報前年狄圍衛

○秋衛人及狄盟

不地者就

狄廬帳盟

○冬十有二月己卯晉侯重耳卒

同盟踐土翟泉

傳三十二年春楚鬬章請平于晉晉陽處父報之

晉楚始通

陽處父晉大夫晉楚自春秋以來始交使命為和同

○夏狄有亂衛人侵狄狄請平焉秋衛人及狄盟

○冬晉文公卒庚辰將殯于曲沃

殯室棺也曲沃有舊宮焉○室彼驗反葬時下

棺之名殯則攢置于西序亦是下棺于地故殯為室棺也

出絳柩有聲如牛

如牛响聲○响呼口反

使大夫拜曰君命大事將有西師過軼我擊之必

大捷焉

聲自柩出故曰君命大事戎事也下偃聞秦密謀故因柩聲以正衆心○過平聲

杞子自鄭使告

于秦

三十年秦使大夫杞子戍鄭

曰鄭人使我掌其北門之管

管籥也若

潛師以來國可得也穆公訪諸蹇叔蹇叔曰勞師

以襲遠非所聞也

蹇叔秦大夫

師勞力竭遠主備之無乃

不可乎師知所為鄭必知之勤而無所必有悖心

將害良善○勤而無所勞師而無所得也必有悖心如下滅滑是也

且行千里其誰不知公辭焉

辭不受其言

召孟明西乞白乙使出師於東門之外

孟明百里孟明

視西乞西乞術白乙白乙丙○孔疏世族譜以百里孟明視為百里奚之子則姓百里名視字孟明也古人之言名字者皆先字後名而連言之其術丙

必是名西乞白乙或字或氏不可明也

蹇叔哭之曰孟子吾見師之出而不

見其入也公使謂之曰爾何知中壽爾墓之木拱

矣

合手曰拱言其過老悖不可用蹇叔之子與師哭而送之曰晉人禦

師必於殺殺在弘農澠池縣西。與音預。殺本又作嶠。澠縣忍及澠池。即今河南河南府永寧縣。殺有二陵

焉大阜曰陵。其南陵夏后臯之墓也臯夏桀之祖父。其北陵文王之

所辟風雨也此道在二殺之間。南谷中谷深委曲。兩山相嶽。故可以辟風雨。古道由此。魏武帝西討巴漢。惡其險而更開北

山高道。辟音避。嶽許金反。必死是間以其深險故。余收爾骨焉。秦師遂東

為明年晉敗秦於殺傳。

經三十有三年。春。王二月。秦人入滑滅而書入。不能有其地。○齊

侯使國歸父來聘。○夏四月辛巳。晉人及姜戎敗

秦師于殺晉侯諱背喪用兵。故通以賤者告。姜戎姜姓之戎。居晉南鄙。戎子駒支之先也。晉人角之諸戎。拮之不同。陳故言及。拮居綺

反。陳去聲。陸氏淳曰。晉文公未葬。晉襄用師。不書曰子而曰人。何也。曰諸侯之孝在乎保其社稷而和其民人者也。晉為盟主。諸侯服之久矣。秦不哀其喪而襲

其同姓。若不能救。則先父之業墜矣。故聖人為之諱。許其以權變禮。異乎匹夫之孝也。○癸巳。葬晉文公。

狄侵齊。○公伐邾。取訾婁訾婁邾地。當在今山東兗州府濟寧州界。○秋。公

子遂帥師伐邾。○晉人敗狄于箕大原陽邑。縣南有箕城。卻缺稱人者。未為卿。

箕城在今山西太原府大谷縣東南三十里。○冬。十月。公如齊。十有二月。公至

自齊。○乙巳。公薨于小寢小寢內寢也。乙巳十一月十二日。經書十二月。誤。○隕霜。

不殺草。李梅實無傳。書時失也。周十一月。今九月。霜當微而重重而不能殺草。所以為災。○晉人陳

人。鄭人伐許。

傳三十三年。春。秦師過周。杜門。左右免胄而下王城之北。

門。冑。堯。整。兵。車。非。大。將。御。者。在。中。故。左。右。下。御。不。下。超乘者三百乘。王孫滿尚幼。觀之。

言於王曰秦師輕而無禮必敗謂過天子門不卷甲束兵輕超乘示勇。乘輕並去聲。

則寡謀無禮則脫脫易也。入險而脫又不能謀能無敗

乎及滑鄭商人弦高將市於周遇之以乘韋先牛

十二犒師商行賈也。乘四韋先韋乃入牛古者將獻遺於人必有以先之。乘先並去聲。曰寡君聞吾

子將步師出於敝邑敢犒從者不腆敝邑為從者

之淹居則具一日之積腆厚也。淹久也。積為米菜薪。積子賜反。從為並去聲。步猶行也。行則

備一夕之衛且使遽告于鄭遽傳車。遽其據反。傳張戀反。傳車驛馬也。鄭穆

公使視客館視秦三大夫之舍。則束載厲兵秣馬矣嚴兵待秦師。使

皇武子辭焉曰吾子淹久於敝邑唯是脯資餼牽

竭矣資糧也。生曰餼牽謂牛羊豕。為吾子之將行也示知其情為去聲。鄭之有

原圃猶秦之有具囿也原圃具圃皆圃名。吾子取其麋鹿以

閒敝邑若何使秦成自取麋鹿以為行資令敝邑得閒暇若何猶如何。滎陽中牟縣西有圃田澤。今屬河南開封府。杞

子奔齊逢孫揚孫奔宋孟明日鄭有備矣不可冀

也攻之不克圍之不繼吾其還也滅滑而還

○齊國莊子來聘自郊勞至于贈賄禮成而加之

以敏迎來曰郊勞送去曰贈賄。敏審當於事。勞去聲。臧文仲言於公曰國子為政

齊猶有禮君其朝焉臣聞之服於有禮社稷之衛

也為公如齊傳。

○晉原軫曰秦違蹇叔而以貪勤民天奉我也秦與也

奉不可失敵不可縱縱敵患生違天不祥必伐秦

師欒枝曰未報秦施而伐其師其為死君乎言以君死故忘

秦施○謂忘其先君猶范鞅之言死吾父也施去聲先軫曰秦不哀吾喪而伐吾同姓

○滑晉之同姓秦則無禮何施之為言秦以無禮加已施不足顧吾聞之一日

縱敵數世之患也謀及子孫可謂死君乎言不可謂背君遂

發命遽興姜戎子墨衰絰晉文公未葬故襄公稱子以凶服從戎故墨之梁弘御

戎萊駒為右夏四月辛巳敗秦師于殽獲百里孟

明視西乞術白乙丙以歸遂墨以葬文公晉於是

始墨後遂常以為俗記禮所由變文嬴請三帥文嬴晉文公始適秦秦穆公所妻夫人襄公嫡母三帥孟明等

曰彼實構吾二君寡君若得而食之不厭君何辱

討焉○厭平聲使歸就戮于秦以逞寡君之志若何公許

之先軫朝問秦囚公曰夫人請之吾舍之矣先軫

怒曰武夫力而拘諸原婦人暫而免諸國暫猶卒也墮軍

實而長寇讎亡無日矣墮毀也○墮許規反不顧而唾公使陽

處父追之及諸河則在舟中矣釋左驂以公命贈

孟明欲使還拜謝因而執之孟明稽首曰君之惠不以纍臣釁鼓

纍因繫也殺人以血塗鼓謂之釁鼓使歸就戮于秦寡君之以為戮死且不

朽若從君惠而免之三年將拜君賜意欲報秦伯素

服郊次待之鄉師而哭曰孤違蹇叔以辱二三子孤

之罪也不替孟明孤之過也大夫何罪且吾不以

一眚掩大德眚過也。眚所景反。

○狄侵齊因晉喪也

○公伐邾取訾婁以報升陘之役在二十二年邾人不設

備秋襄仲復伐邾魯亦因晉喪以陵小國

○狄伐晉及箕八月戊子晉侯敗狄于箕卻缺獲

白狄子白狄狄別種也故先軫曰匹夫逞志於君謂不顧而唾而

無討敢不自討乎免胄入狄師死焉狄人歸其元

首元言其有面如生異於人初白季使過冀見冀缺耨其妻饁

之白季齊臣也冀晉邑耨鋤也野饋曰饁。使去聲今山西平陽府河津縣有冀亭。敬相待如賓與之歸

言諸文公曰敬德之聚也能敬必有德德以治民

君請用之臣聞之出門如賓如見大賓承事如祭常謹敬也仁之

則也公曰其父有罪可乎缺父冀芮欲殺文公在二十四年對曰舜之罪

也殛鯀其舉也興禹禹鯀子管敬仲桓之賊也實相以

濟相息亮反康誥曰父不慈子不祗兄不友弟不共不

相及也康誥周書祗敬也詩曰采芣采菲無以下體君取節

焉可也

詩國風也。對菲之菜，上善下惡，食之者不以其惡而弃其善，言可取其善節。

文公以為下軍

大夫反自箕襄公以三命命先且居將中軍

且居先軫之子

其父死敵故進之。且子徐反

以再命命先茅之縣賞胥臣曰舉卻缺

子之功也

先茅絕後故取其縣以賞胥臣

以一命命卻缺為卿復與之

冀

還其父故邑

亦未有軍行

雖登卿位未有軍列。行音杭

○冬公如齊朝且弔有狄師也反薨于小寢即安

也

小寢夫人寢也。譏公就所安不終于路寢

○晉陳鄭伐許討其貳於楚也

○楚令尹子上侵陳蔡陳蔡成遂伐鄭將納公子

瑕

三十一年瑕奔楚門于桔柣之門瑕覆于周氏之汪

車傾覆池水中。桔戶結

反秩大結反覆音福

外僕髡屯禽之以獻

殺瑕以獻鄭伯。屯徒門反

文夫人斂

而葬之鄆城之下

鄭文公夫人也。鄆城故鄆國在滎陽密縣東北。傳言穆公所以遂有國。斂力豔反。鄆古外反

○今密縣屬河南開封府

○晉陽處父侵蔡楚子上救之與晉師夾泝而軍

泝水出魯陽縣東經襄城定陵入汝。泝音雉

陽子患之使謂子上曰吾聞之文

不犯順武不違敵

相約涉水而伐其師是犯順也有文德者不忍為相約退舍而自棄去是違敵也有武德者

不肯為

子若欲戰則吾退舍子濟而陳

欲辟楚使渡成陳而後戰。舍陳並去聲遲

速唯命不然紓我

紓緩也。紓音舒

老師費財亦無益也

師久為老

乃駕以待子上欲涉大孫伯曰不可晉人無信半涉而薄我悔敗何及不如紓之乃退舍楚退欲使晉渡陽子宣言曰楚師遁矣遂歸楚師亦歸犬子商臣譖子上曰受晉賂而辟之楚之恥也罪莫大焉王殺子

上商臣怨子上止王立已故譖之

○葬僖公緩文公元年經書四月葬僖公僖公實以今年十一月薨并閏七月乃葬故傳云緩自此以下遂因說作主祭祀

之事文相次也皆當次在經葬僖公下今在此簡編倒錯作主非禮也文二年乃作主遂因葬文通議之凡君薨

卒哭而祔祔而作主特祀於主既葬反虞則免喪故曰卒哭哭止也以新死者之神祔之

于祖尸柩已遠孝子思慕故造木主立几筵焉特用喪禮祭祀於寢不同之於宗廟言凡君者謂諸侯以上不通於卿大夫○按既葬免喪唯杜有此說

其違禮拂經甚矣烝嘗禘於廟冬祭曰烝秋祭曰嘗新主既特祀於寢則宗廟四時常祀自如舊也三年禮畢又大禘乃皆同於吉

春秋左傳杜注卷第七

春秋左傳杜注卷第八

華亭姚培謙學

文公

名興僖公子母聲姜謚法慈惠愛民曰文忠信接禮曰文

經元年春王正月公即位

無傳先君未葬而公即位不可曠年無君

○二月癸

亥日有食之

無傳癸亥月一日不書朔官失之○公羊經日上有朔字

○天王使叔服來

會葬

叔氏服字諸侯喪天子使大夫會葬禮也

○夏四月丁巳葬我君僖公

七月而葬

○天王使毛伯來錫公命

毛國伯爵諸侯為王卿士者諸侯即位天子賜以命圭合瑞為信信

緩十一年王錫晉侯命亦其比也○穀梁傳禮有受命無來錫命錫命非正也

○晉侯伐衛

晉襄公先告諸侯而伐衛雖大

夫親伐而稱晉侯從告辭也

○叔孫得臣如京師

得臣叔牙之孫

○衛人伐晉

衛孔達為政不共盟主與兵
隣國受討喪邑故貶稱人
○秋公孫敖會晉侯于戚戚衛邑在頓邱

衛縣西禮卿不會公侯而春秋魯大夫皆不貶者體例已舉故據用魯史成文而已內稱公卒稱薨皆用魯史○今直隸大名府開州北七里有古戚城此大夫專會

諸侯之始
○冬十月丁未楚世子商臣弒其君頹商臣穆王

也弒君例在宣四年○頹邱倫反
○公孫敖如齊傳例曰始聘焉禮也

傳元年春王使內史叔服來會葬公孫敖聞其能

相人也公孫敖魯大夫慶父之子見其二子焉叔服曰穀也食子難

也收子穀文伯難惠叔食子奉祭祀供養者也收子葬子身也○見音現食音嗣難乃多反穀也豐下必有

後於魯國豐下蓋西方為八年公孫敖奔莒傳

○於是閏三月非禮也於歷法閏當在僖公末年誤於今年三月置閏蓋時達歷者所譏○古置閏皆在歲

終先王之正時也履端於始舉正於中歸餘於終

步歷之始以為術之端首暮之日三百六十有六日日月之行又有遲速而必分為十二月舉中氣以正月有餘日則歸之於終積而為閏故言歸餘

於履端於始序則不愆四時無愆過舉正於中民則不惑

斗建不失其次寒暑不失其常故無疑惑歸餘於終事則不悖四時得所則事無悖亂

○夏四月丁巳葬僖公傳皆不虛載經文而此經孤見知僖公末年傳宜在此下

○王使毛伯衛來賜公命衛毛伯字叔孫得臣如周拜謝賜命

○晉文公之季年諸侯朝晉衛成公不朝使孔達

侵鄭伐縣訾及匡孔達衛大夫匡在潁川新汲縣東北○今河南開封府扶溝縣西有匡城晉襄公既

祥諸侯雖諒闇亦因祥祭為位而哭○按杜氏解諒闇為既葬除服心喪終制不與先儒同使告于諸侯而伐

衛及南陽今河內地先且居曰效尤禍也尤衛不朝故伐今不朝王是效衛致禍時王在

温故勸之。且子餘反。請君朝王。臣從師。晉侯朝王于温。先且居

胥臣伐衛。五月辛酉朔。晉師圍戚。六月戊戌。取之。

獲孫昭子。昭子衛大夫。食戚邑。衛人使告于陳。陳共公曰。更伐

之。我辭之。見伐求和不競。大甚。故使報伐。示已力。足以距晉。我為衛以辭謝。晉求和。衛孔達帥師

伐晉。君子以為古。古者越國而謀。合古之道而失今事。霸主之禮。故國失其邑。身

見執辱

○秋。晉侯疆戚田。故公孫敖會之。晉取衛田。正其疆界。

○初。楚子將以商臣為太子。訪諸令尹子上。子上

曰。君之齒未也。齒年也。言尚少。而又多愛。黜乃亂也。楚國之

舉恒在少者也。舉立也。且是人也。蠶目而豺聲。忍人也。能忍行不

義不可立也。弗聽。既又欲立王子職。而黜太子商

臣。職商臣庶弟。商臣聞之而未察。告其師潘崇曰。若之何

而察之。潘崇曰。享江芊而勿敬也。江芊成王妹。嫁于江。芊亡氏反。○史記以為成王妾。

從之。江芊怒曰。呼役夫。呼發聲也。役夫賤者。稱呼去聲。宜君王之欲殺

女而立職也。告潘崇曰。信矣。潘崇曰。能事諸乎。問能事職

否曰。不能。能行乎。曰。不能。能行大事乎。曰。能。大事謂弑君

冬十月。以宮甲圍成王。太子宮甲。僖二十八年。王以東宮卒從子玉。蓋取此宮甲。王請食熊

躡而死熊躡難熟其久將弗聽丁未王縊謚之曰靈不瞑

曰成乃瞑言其忍甚未斂而加惡謚○謚法亂而不損曰靈安民立政曰成

為犬子之室與潘崇孔疏以其為犬子之時所居室內財物僕妾盡以與潘崇非與其所居之宮室也使

為犬師且掌環列之尹環列之尹官衛之官列兵而環王宮

○穆伯如齊始聘焉禮也穆伯公孫敖凡君即位卿出竝

聘踐修舊好要結外援踐猶履行也○好去聲好事鄰國

以衛社稷忠信卑讓之道也忠德之正也信德之

固也卑讓德之基也傳因此發凡以明諸侯諒闇則國事皆用吉禮

○殺之役在僖三十三年晉人既歸秦帥秦大夫及左右皆

言於秦伯曰是敗也孟明之罪也必殺之秦伯曰

是孤之罪也周芮良夫之詩曰大風有隧貪人敗

類詩大雅隧蹊徑也周大夫芮伯刺厲王言貪人之敗善類若大風之行毀壞衆物所在成蹊徑聽言則對誦言

如醉言昏亂之君不好典誦之言聞之若醉得道聽塗說之言則喜而答對匪用其良覆俾我悖

覆反也俾使也不用良臣之言反使我為悖亂○覆音福是貪故也孤之謂矣孤實貪以

禍夫子夫子何罪復使為政為明年秦晉戰彭衙傳

經二年春王二月甲子晉侯及秦師戰于彭衙秦

師敗績孟明名氏不見非命卿也大崩曰敗績馮翊郃陽縣西杜有彭衙城○在今陝西西安府白水縣東北六十里郃戶納反○

丁丑作僖公主主者殷人以柏周人以栗○三月乙巳及晉

處父盟處父為晉正卿不能往君以禮而親與公盟故貶其族去則非卿故以微人常稱為耦以直厭不直不地者盟晉都 ○夏

六月公孫敖會宋公陳侯鄭伯晉士穀盟于垂隴

垂隴鄭地滎陽縣東有隴城士穀出盟諸侯受成於衛故貴而書名氏穀戶木反○隴城在今河南開封府滎澤縣東北吳氏澍曰晉以士穀主盟魯以公孫敖仇三國之君皆非禮也 ○自十有二月不雨至于秋七月無傳周七月今

五月也不雨足為災不書旱五穀猶有收 ○八月丁卯大事于大廟躋僖公大事也

躋并也僖公閔公庶兄繼閔而立廟坐宜次閔下今升在閔上故書而譏之時未應吉禘而於大廟行之其譏已明徒以逆祀故特大其事異其文○吳氏澍曰四時之祭稱祭名而曰烝曰嘗者五廟各祭也曰有事于大廟者四廟之主遷于大廟而合祭也是為禘曰大事于大廟者毀廟之主亦與祭自伯禽以下禘廟以上之主皆合祭于大廟也是為大禘

○冬晉人宋人陳人鄭人伐秦

四人皆卿秦穆悔過終用孟明故疑四國大夫以尊秦 ○公子遂如齊納幣傳曰禮也僖公喪終此年十一

月則納幣在十二月也士昏六禮其一納采納徵始有玄纁束帛諸侯則謂之納幣其禮與士禮不同蓋公為天子時已行昏禮

傳二年春秦孟明視帥師伐晉以報殺之役二月

晉侯禦之先且居將中軍趙衰佐之代卻王官無地

御戎代梁狐鞫居為右鞫居續簡伯甲子及秦師戰于彭

衙秦師敗績晉人謂秦拜賜之師以孟明言三年將拜君賜故嗤之戰於

殽也晉梁弘御戎萊駒為右戰之明日晉襄公縛

秦囚使萊駒以戈斬之囚呼萊駒失戈狼曠取戈

以斬囚禽之以從公乘遂以為右呼去聲曠音審乘去聲箕之役

箕役在僖三十三年先軫黜之而立續簡伯狼曠怒其友曰盍

死之暉曰吾未獲死所未得可死處其友曰吾與女為難

欲共殺先軫暉曰周志有之勇則害上不登於明堂周志

也明堂祖廟也所以策功序德故不義之士不得升○二語出汲冢周書大

匡解孔疏鄭立以為明堂在國之陽與祖廟別處左氏舊說及賈逵盧植蔡

邕服虔等皆以祖廟與明堂為一故杜同之死而不義非勇也共用之為勇死國

音恭吾以勇求右無勇而黜亦其所也言今死而不義更成無勇宜見退

謂上不我知黜而宜乃知我矣言今見黜而合宜則吾不得復言上不我知子

姑待之及彭衙既陳以其屬馳秦師死焉屬屬已兵

晉師從之大敗秦師君子謂狼暉於是乎君子詩

曰君子如怒亂庶遄沮詩小雅言君子之怒必以此止亂遄疾也沮止也又曰王赫

斯怒爰整其旅詩大雅言文王赫然奮怒則整師旅以討亂怒不作亂而以從

師可謂君子矣秦伯猶用孟明孟明增修國政重

施於民趙成子言於諸大夫曰成子趙衰秦師又至

將必辟之懼而增德不可當也詩曰毋念爾祖聿

修厥德詩大雅言念其祖考則宜述修其德以顯之毋念念也孟明念之矣念德不怠

其可敵乎為明年秦人伐晉傳

○丁丑作僖公主書不時也過葬十月故曰不時例在僖三十三年

○晉人以公不朝來討討公即位不朝公如晉夏四月己

巳晉人使陽處父盟公以恥之使大夫盟公欲以恥辱魯也經書三月乙巳經傳必有誤

書曰及晉處父盟以厭之也

厭猶損也晉以非禮盟公故文厭之以示譏○厭於涉反○胡傳

諱不書公者抑大夫之仇不使與公為敵正君臣之分也

適晉不書諱之也

不書公如晉

○公未至六月穆伯會諸侯及晉司空士穀盟于

垂隴晉討衛故也

討元年衛人伐晉士穀士為子

書士穀堪其事也

晉司空非

卿也以士穀能堪卿事故書

陳侯為衛請成于晉執孔達以說

陳始與衛謀謂

可以強得免今晉不聽故更執孔達以苟免也○此即上所云我辭之者

○秋八月丁卯大事于大廟躋僖公逆祀也

僖是閔兄不得

為父子嘗為臣位應在下今居閔上故曰逆祀○孔疏禮父子異昭穆兄弟昭穆同故僖閔不得為父子同為穆耳當閔在僖上今升僖先閔故云逆祀二公位次之逆

非昭穆亂也

於是夏父弗忌為宗伯

宗伯掌宗廟昭穆之禮

尊僖公

且明見曰吾見新鬼大故鬼小

新鬼僖公既為兄死時年又長故鬼閔公死時年少弗忌

明言其所見

先大後小順也躋聖賢明也

又以僖公為聖賢

明順禮也

君子以為失禮禮無不順祀國之大事也而逆之

可謂禮乎子雖齊聖不先父食久矣

齊肅也臣繼君猶子繼父○先去聲下同

故禹不先鯀湯不先契

鯀禹父契湯十三世祖

文武不先不窋

不窋后稷

子○窋知律反

宋祖帝乙鄭祖厲王猶上祖也

帝乙微子父厲王鄭桓公父二國不以帝

乙厲王不肖而猶尊尚之

是以魯頌曰春秋匪解享祀不忒皇皇后

帝皇祖后稷

忒差也皇皇美也后帝天也詩頌僖公郊祭上天配以后稷

君子曰禮謂其

后稷親而先帝也

先稱帝也

詩曰問我諸姑遂及伯姊

詩邶風也

衛女思歸而不得故願致問於姑姊。邶音佩。君子曰禮謂其姊親而先姑也。文公

父夏父弗忌從阿時君先其所親故傳以此二詩深責其意。仲尼曰臧文仲其不仁者三。

不知者三。下展禽。展禽柳下惠也。文仲知柳下惠之賢而使在下位已欲立而立人。廢六關。塞關

之屬凡六關所以禁絕末遊而廢之。塞悉再反。家語作置六關。注謂文仲置關以稅行者故為不仁。妾織蒲。三不仁也。

家人販席言其與民爭利。作虛器。謂居蔡山節藻梲也。有縱逆祀爰。聽夏父躋僖公祀爰

居三不知也。海鳥曰爰居止于魯東門外。文仲以為神命國人祀之。

○冬晉先且居宋公子成陳轅選鄭公子歸生伐

秦取汪及彭衙而還以報彭衙之役。卿不書為穆

公故尊秦也。謂之崇德。陳氏傳良曰曷為不序大夫將自士穀專盟書大夫自陽處父專將書大夫

是故春秋之始大夫將恒稱人由救鄭之後大夫始貶稱人矣。李氏廉曰左氏尊秦之義非經意。

○襄仲如齊納幣禮也。凡君即位好舅甥脩昏姻。

娶元妃以奉粢盛孝也。謂諒闇既終嘉好之事通于外內。外內之禮始備此除凶之即位也。於是遣卿

申好舅甥之國脩禮以昏姻也。元妃嫡夫人奉粢盛共祭祀。好去聲。孝禮之始也。此何以書。譏何譏爾。

譏喪娶也。娶在三年之外則何譏乎喪娶。三年之內不圖婚。注僖公以十二月薨至此未滿二十五月。又禮先納采問名納吉乃納幣。此四者皆在三年之內。

經三年春王正月叔孫得臣會晉人宋人陳人衛

人鄭人伐沈沈潰。傳例曰民逃其上曰潰。沈國名也。汝南平輿縣北有沈亭。與音餘。沈戶甚反。今河南汝寧府汝陽

縣東南六十里有平輿故城。沈亭在其地。○夏五月王子虎卒。不書爵者天王赴也。翟

王因以同盟之例為赴。趙氏匡曰臣無外交之禮今死而赴故書以譏。○秦人伐晉。晉人恥不出以徵者告。趙氏鵬飛曰秦

穆公伐晉以報前日三敗之辱也而說者以穆公之霸在此齊桓晉文之霸聖人必有褒大之辭雖宋襄之無成春秋于曹南之盟亦必書爵以揭于諸侯之上今秦于殺之戰彭衙之役皆書師而于此乃書人豈謂其霸而反人之耶孟子之所謂五霸者其實桓文而已宋襄之敗固所不錄而秦穆楚莊皆無子辭鄒秦楚也

○秋楚人圍江○雨蝨于宋自上而隋有似于雨宋人以其死為得天祐喜而來告故

書○雨于付反隋徒火反 ○冬公如晉十有二月己巳公及晉侯盟

○晉陽處父帥師伐楚以救江

傳三年春莊叔會諸侯之師伐沈以其服於楚也

沈潰凡民逃其上曰潰在上曰逃潰眾散流移若積水之潰自壞之象也國君輕走羣臣不知其謀與匹夫逃竄無異是在眾曰潰在上曰逃各以類言之

○衛侯如陳拜晉成也二年陳侯為衛請成于晉

○夏四月乙亥王叔文公卒來赴弔如同盟禮也

王子虎與僖公同盟於翟泉文公是同盟之子故赴以名傳因王子虎異於諸侯王叔又未與文公盟故于此顯示體例也經書五月又不書日從赴也

○秦伯伐晉濟河焚舟示必死也取王官及郊王官郊晉地今山西平陽府

臨晉縣東南七十里王官谷有廢壘即王官城也郊當為臨晉平陽間小邑晉人不出遂自茅津濟

封殺尸而還茅津在河東大陽縣西封埋藏之○大音泰○今平陽府平陸縣南有大陽渡即春秋茅津也遂霸

西戎用孟明也君子是以知秦穆公之為君也舉

人之周也周備也不偏以一惡弃其善與人之壹也壹無二心孟明之臣也

其不解也能懼思也子桑之忠也其知人也能舉

善也子桑公孫枝舉孟明者詩曰于以采芣于沼于沚于以用之

公侯之事秦穆有焉詩國風言沼沚之芣至薄猶采以共公侯以喻秦穆不遺小善夙夜匪

解以事一人孟明有焉詩大雅美仲山甫也一人天子也詒厥孫謀以燕

翼子子桑有焉詒遺也燕安也翼成也詩大雅美武王能遺其子孫善謀以安成子孫言子桑有舉善之謀

○秋雨蝻于宋隊而死也蝻飛至宋隊地而死若雨○孫氏覺曰雨自上而下者也蝻不見其所從來自上而下衆多如雨而在宋之四境故曰雨蝻于宋也王氏樵曰書雨見災甚非隊而死也

○楚師圍江晉先僕伐楚以救江晉救江在雨蝻下故使圍江之經隨在雨蝻下

冬晉以江故告于周欲假天子之威以伐楚王叔桓公晉陽處父

伐楚以救江桓公周卿士王叔文公之子桓公不書示威名不親伐○孔疏王叔文公不知何王之子字叔遂以叔為氏桓公是

其子王叔陳生是其後也衛有公叔文子此人蓋以王叔為氏也門于方城遇息公子朱而還

子朱楚大夫伐江之帥也聞晉師起而江兵解故晉亦還

○晉人懼其無禮於公也請改盟改二年處父之盟公如晉及

晉侯盟晉侯饗公賦菁菁者莪菁菁者莪詩小雅取其既見君子樂且有儀莊

叔以公降拜謝其以公比君子也曰小國受命於大國敢不慎儀

君貺之以大禮何樂如之抑小國之樂大國之惠

也晉侯降辭降階辭讓公登成拜俱還上成拜禮公賦嘉樂嘉樂詩大雅義取其顯顯

今德宜民宜人受祿于天

經四年春公至自晉無傳○夏逆婦姜于齊稱婦有姑之辭○

狄侵齊傳無 ○秋楚人滅江滅例在文十五年 ○晉侯伐秦 ○衛

侯使甯俞來聘 ○冬十有一月壬寅夫人風氏薨

僖公母風姓也赴同祔姑稱夫人 ○程子曰自成風以後妾母稱夫人嫡妾亂矣仲子始僭尚未敢同嫡也

傳四年春晉人歸孔達于衛以為衛之良也故免

之二年衛執孔達以說晉 夏衛侯如晉拜謝歸孔達

○曹伯如晉會正會受貢賦之政也傳言襄公能繼文之業而諸侯服從

○逆婦姜于齊卿不行非禮也禮諸侯有故則使卿逆 君子是以

知出姜之不允於魯也允信也始來不見尊貴故終不為國人所敬信也文公薨而見出故曰出姜

曰貴聘而賤逆之公子遂納幣是貴聘也 君而卑之立而廢之君小君也

不以夫人禮迎是卑廢之 弃信而壞其主在國必亂在家必亡主丙主也 不

允宜哉詩曰畏天之威于時保之敬主之謂也詩頌言畏

天威于是保福祿 ○穀梁傳其曰婦姜為其禮成乎齊也其逆者誰也公也注婦禮成于齊故在齊便稱婦

○秋晉侯伐秦圍邠新城以報王官之役邠新城秦邑也王官役在

前年 ○邠願晚反 ○當在今陝西西安府澄城縣境縣東北二十里有古新城地名攷曰即梁國之新里也

○楚人滅江秦伯為之降服出次不舉過數降服素服也出

大夫諫公曰同盟滅雖不能救敢

不矜乎吾自懼也秦江同盟不告故不書 君子曰詩云惟彼二國

其政不獲惟此四國爰究爰度其秦穆之謂矣詩大雅言

夏商之君政不得人心故四方諸侯皆懼而謀度其政事也言秦穆亦能感江之滅懼而思政爰於也究度皆謀也

○衛甯武子來聘公與之宴為賦湛露及彤弓非禮之常

公特命樂人以示意故言為賦湛露彤弓詩小雅不辭又不答賦使行人私焉私問對

曰臣以為肄業及之也肄習也魯人失所賦甯武子佯不知此其愚不可及昔諸侯朝

正於王朝而受政教也王宴樂之於是乎賦湛露則天子當

陽諸侯用命也湛露曰湛湛露斯匪陽不晞晞乾也言露見日而乾猶諸侯稟天子命而行諸侯敵

王所愾而獻其功敵猶當也愾恨怒也愾苦愛反王於是乎賜之彤

弓一彤矢百茲弓矢千以覺報宴覺明也謂諸侯有四夷之功王賜之弓矢又為

歌彤弓以明報功宴樂旅音盧今陪臣來繼舊好方論天子之樂故自稱陪臣君辱貺之

其敢干大禮以自取戾貺賜也干犯也戾罪也

○冬成風薨為明年王使來舍贈傳

經五年春王正月王使榮叔歸舍且贈珠玉曰舍舍口實車馬曰贈

合去聲○三月辛亥葬我小君成風無傳反哭成喪故曰葬我小君成謚也王使

召伯來會葬召伯天子卿也召采地伯爵也來不及葬不譏者不失五月之內○夏公孫敖如

晉無傳○秦人入都入例在十五年都音若○秋楚人滅六六國今廬江六縣在今

江南廬州府六安州北○冬十月甲申許男業卒無傳與僖公六同盟

傳五年春王使榮叔來舍且贈召昭公來會葬禮

也成風莊公之妾天子以夫人禮贈之明母以子貴故曰禮程子曰天子成妾母為夫人亂倫之甚

○初都叛楚即秦又貳於楚夏秦人入都

○六人叛楚即東夷秋楚成大心仲歸帥師滅六

仲歸子家冬楚公子變滅蓼蓼今安豐縣○蓼音了○今河南汝寧府固始縣東北蓼城岡其地即古蓼國漢蓼縣

臧文仲聞六與蓼滅曰臯陶庭堅不祀忽諸德之

不建民之無援哀哉蓼與六皆臯陶後也傷二國之君不能建德結援大國忽然而亡

○晉陽處父聘于衛反過甯甯嬴從之甯晉邑汲郡修武縣也嬴逆旅

大夫○今河南衛輝府獲嘉縣西北有修武古城古甯邑秦置縣及温而還其妻問之嬴曰以

剛商書曰沈漸剛克高明柔克沈漸猶滯溺也高明猶亢爽也言各當以剛柔勝已本性

乃能成全也此在洪範今謂之周書○漸似廉反夫子壹之其不沒乎陽子性純剛天為剛

德猶不干時寒暑相順况在人乎且華而不實怨之所聚

也言過其行犯而聚怨不可以定身剛則犯余懼不獲其利而

離其難是以去之為六年晉殺處父傳

○晉趙成子欒貞子霍伯白季皆卒成子趙衰新上軍帥中軍佐也貞子欒枝

下軍帥也霍伯先且居中軍帥也白季胥臣下軍佐也為六年蒐于夷傳

經六年春葬許僖公無傳○不書月史闕文○夏季孫行父如陳

行父季友孫○季友子無佚未為卿卒不見于經○秋季孫行父如晉○八月乙亥

晉侯驪卒再同○冬十月公子遂如晉葬晉襄公卿共葬事

文襄之制也○晉殺其大夫陽處父處父侵官宜為國討故不言賈季殺晉狐射

姑出奔狄

射姑狐偃子賈季也奔例在宣十年。射音亦。

○閏月不告月猶朝于

廟

諸侯每月必告朔聽政因朝宗廟文公以閏非常月故闕不告朔怠慢政事雖朝于廟則如勿朝故曰猶猶者可止之辭。孔疏論語云子貢

欲去告朔之餼羊是用特羊告于廟謂之告朔人君即以此日聽視此朔之政謂之視朔亦謂之聽朔其日又以禮祭于宗廟謂之朝廟周禮謂之朝享其歲首為之則謂之朝正蘇氏轍曰春秋蓋有同辭而異實者矣猶三望猶繹可以已也猶朝于廟幸其不已也告音格。

傳六年春晉蒐于夷舍二軍

僖三十一年晉蒐清原作五軍今舍二軍復三軍之制夷晉地

前年四卿卒故蒐以謀軍帥

使狐射姑將中軍

代先且居趙盾佐之

代趙衰也盾趙衰子

○盾徒

陽處父至自温

往年聘衛過温今始至

改蒐于董易中軍

易

趙盾為帥射姑佐之河東汾陰縣有董亭。汾陰今絳州屬山西平陽府有董澤在聞喜縣東北四十里接絳州界

陽子成季

之屬也

處父嘗為趙衰屬大夫

故黨於趙氏且謂趙盾能曰使能

國之利也是以上之宣子於是乎始為國政

事典

典常也正法罪

辟獄刑

辟猶理也。辟婢亦反

董逋逃

董督也由質

要

由用也質要券契也

治舊滂

治理滂穢。滂音烏本又作汙同

本秩禮

貴賤不失其本續常

職

修廢官

出滯淹

拔賢能也。孔疏制事典者正國之百事使有常也正法罪者準所犯輕重豫為之法使在後依用之也辟獄刑者

有事在官未決斷者令於今理治之也董逋逃者舊有逋逃負罪播越者督察追捕之也由質要者謂斷爭財之獄用券契正定之也治舊滂者國之舊政滂穢不潔理治改正之也本秩禮者時有僭踰貴賤相濫本其次秩使如舊也續常職者職有廢闕任賢使能令續故常也出滯淹者賢能之人沈滯田里拔出而官爵之也既成以授大傅陽子與大師賈佗使行諸

晉國以為常法

賈佗以公族從文公而不

○臧文仲以陳衛之睦也欲求好於陳夏季文子

聘于陳且娶焉臣非君命不越竟故因聘而自為娶

○秦伯任好卒任好秦穆公名。任音壬。以子車氏之三子奄息仲

行鍼虎為殉子車秦大夫氏也。以人從葬為殉。行音杭。鍼其廉反。皆秦之良也。國人

哀之為之賦黃鳥黃鳥詩秦風義取黃鳥止于棘桑往來得其所傷三良不然君子曰秦

穆之不為盟主也。宜哉。死而弃民。先王違世猶詒

之法。而况奪之善人乎。詩曰。人之云亡。邦國殄瘁。

詩大雅言善人亡則國瘁病無善人之謂。若之何。奪之古之王者知

命之不長。是以竝建聖哲建立聖知以司牧民樹之風聲因土地風俗為

立聲教之法。樹立其風化聲教。分之采物旌旗衣服各有分制。分扶問反。著之話言話善也。為作善言遺戒。

為之律度鍾律度量所陳之藝極藝準也。極中也。貢獻多少之法。傳曰。貢之無藝。又曰。

貢獻無極引之表儀引道也。表儀猶威儀。予之法制。告之訓典訓典先王之書。教

之防利防惡興利委之常秩委任也。常秩官司之常職。道之以禮則使毋

失其土宜。眾隸賴之。而後即命即就也。然後可以就命。雖死而無憾也。聖王

同之。今縱無法以遺後嗣。而又收其良以死。難以

在上矣。君子是以知秦之不復東征也。不能復征。討東方諸侯為霸主。

○秋季文子將聘於晉。使求遭喪之禮以行。季文子季孫行。

父也。聞晉侯疾故。其人曰。將焉用之。其人從者。文子曰。備豫不虞。古

之善教也。求而無之。實難。難卒得。過求何害。所謂文子三思。

○八月乙亥晉襄公卒靈公少晉人以難故欲立

長君立少君恐有難。謂連年秦狄之師楚伐與國。趙孟曰立公子雍趙孟趙盾也公子雍文公子襄

公庶弟杜好善而長先君愛之且近於秦秦舊好也

置善則固事長則順立愛則孝結舊則安為難故

故欲立長君有此四德者難必抒矣抒除也。抒直呂反。孔疏字有聲相近。

而為訓者鬼之為言歸也春之為言蠢也其類多矣抒聲近除故為除也服虔作舒舒緩也。賈季曰不如立公

子樂樂文公子。樂音岳。辰嬴嬖於二君辰嬴懷嬴也。二君懷公文公也。立其子民

必安之趙孟曰辰嬴賤班在九人班位也。其子何震之

有震威也。且為二嬖淫也為先君子不能求大而出

在小國辟也母淫子辟無威陳小而遠無援將何

安焉杜祁以君故讓偃姑而上之杜祁杜伯之後祁姓也偃姑姑姓之女生襄公

為世子故杜祁讓使在已上。辟匹亦反。又作僻。孔疏譜以偃為國名地闕不知所在。以狄故讓季隗而已

次之故班在四以季隗是文公託狄時妻故復讓之。然則杜祁本班在二。隗五罪反。先君是以

愛其子而仕諸秦為亞卿焉亞次也言其賢故位尊。秦大而近足

以為援母義子愛足以威民立之不亦可乎使先

蔑士會如秦逆公子雍先蔑士伯也。士會隨季也。賈季亦使召公子

樂于陳趙孟使殺諸郟郟晉地。郟婢支反。博物記垣縣有郟郟之阨今河南懷慶府濟源縣西三百

里有郟亭唐置郟元縣于此。與山西平陽府垣曲縣接界。

○賈季怨陽子之易其班也本中軍帥而知其無援

於晉也少族多怨九月賈季使續鞫居殺陽處父鞫居狐氏之族書

曰晉殺其大夫侵官也君已命帥處父易之故曰侵官○公羊傳稱國以殺何君漏言也君將使射姑

將陽處父諫曰射姑民衆不說不可使將于是廢將陽處父出射姑入君謂射姑曰陽處父言曰射姑民衆不說不可使將射姑怒出刺陽處父於朝而走劉氏敞曰按左氏此事始末罪處父獨有稱趙宣子為能耳改蒐易將凡出晉侯何以謂處父侵官耶人君任賢不稱必將致敗苟食祿者舉當諫君况處父晉國太傅以此為侵官是教大臣為拱默也

○冬十月襄仲如晉葬襄公

○十一月丙寅晉殺續簡伯簡伯續鞫居十一月無丙寅丙寅十二月八日也日月必有誤

賈季奔狄宣子使史駢送其帑帑妻子也宣子以賈季中軍之佐同官故○帑音奴夷

之蒐賈季戮史駢史駢之人欲盡殺賈氏以報焉

史駢曰不可吾聞前志有之曰敵惠敵怨不在後

嗣忠之道也敵猶對也若及子孫則為非對非對則為遷怒夫子禮於賈季我以

其寵報私怨無乃不可乎言已蒙宣子寵位○宣子使我送帑是寵任我也豈可因其寵任以報私

怨介人之寵非勇也介因也損怨益仇非知也殺季家欲以除怨宣子將

復怨已是益仇也以私害公非忠也釋此三者何以事夫子

盡具其帑與其器用財賄親帥扞之送致諸竟扞衛也

○閏月不告朔非禮也經稱告月傳稱告朔明告月必以朔閏以正時四時漸差則致

時以作事順時命事事以厚生事不失時則年豐生民之道於是

乎在矣。不告閏朔，棄時政也。何以爲民？○爲如字治也。

經七年春，公伐邾。○三月甲戌，取須句。須句，魯之封內屬國也。僖公反。

其君之後，邾復滅之，書取，易也。例在襄十三年。○句，其俱反。遂城郛。無傳，因伐邾師以城郛。郛，魯邑。卞縣南有郛城，備邾難。○郛音

吾。○在今山東兗州府泗水縣東南。○夏四月，宋公王臣卒。二年與魯大夫盟于垂隴。○宋人

殺其大夫。宋人攻昭公，并殺二大夫，故以非罪書。○戊子，晉人及秦人戰于

令狐。趙盾廢嫡而外求君，故貶稱人。晉諱背先蔑，而夜薄秦師，以戰告。○公羊傳此偏戰也。何以不言師敗績，敵也。令，力呈反。晉先

蔑奔秦。不言出在外奔。○狄侵我西鄙。○秋八月，公會諸侯。

晉大夫盟于扈。扈，鄭地，滎陽卷縣西北有扈亭。不分別書會人，總言諸侯。晉大夫盟者，公後會而及其盟。○扈亭在今河南開封府原武縣西北。趙氏曰：諸侯不序，公不得與之盟也。而曰公會諸侯盟者，言公附於載書也。○冬，徐伐莒。不書將帥。

徐夷告辭畧。○公孫敖如莒，涖盟。

傳七年春，公伐邾，間晉難也。公因霸國有難而侵小。三月甲戌，取

須句，寘文公子焉。非禮也。邾文公子叛在魯，故公使為守須句大夫也。絕犬皞之祀，以與鄰國叛臣

故曰非禮。○夏四月，宋成公卒。於是公子成爲右師，莊公公孫

友爲左師。目夷樂豫爲司馬，戴公鱗、立孫欒爲司徒。桓公孫。○

公子蕩爲司城。桓公子也。以武公名廢司空爲司城。華御事爲司寇。華元父也。傳言六卿

皆公族，昭公不親信，所以致亂。昭公將去羣公子，樂豫曰：不可。公族，公

室之枝葉也。若去之，則本根無所庇廕矣。葛藟猶

能庇其本根

葛之能蔓蔓繁滋者以本枝廢麻之多

故君子以為比

謂詩人取以喻九族兄弟

况國君乎此諺所謂庇焉而縱尋斧焉者也

縱放也八尺

曰尋尋以量之斧以伐之

必不可君其圖之親之以德皆股肱也誰

敢攜貳若之何去之不聽穆襄之族率國人以攻

公

穆公襄公之子孫昭公所欲去者

殺公孫固公孫鄭于公宮

二子在公宮故為亂兵所殺

六卿和公室樂豫舍司馬以讓公子印

印昭公弟

昭公即位而葬書曰宋人殺其大夫不稱名眾也且言非

其罪也

不稱殺者及死者名殺者眾故名不可知死者無罪則例不稱名按大夫不名蓋史略之

○秦康公送公子雍于晉曰文公之入也無衛故

有呂卻之難

僖二十四年文公入

乃多與之徒衛穆嬴日抱犬子

以啼于朝曰先君何罪其嗣亦何罪舍適嗣不立

而外求君將焉寘此

穆嬴公夫人靈公母也適丁歷反

出朝則抱以適

趙氏頓首於宣子曰先君奉此子也而屬諸子曰

此子也才吾受子之賜不才吾唯子之怨

欲使宣子教訓之屬音

今君雖終言猶在耳

在宣子之耳

而弃之若何宣子與

諸大夫皆患穆嬴且畏偪

畏國人以大義來偪也

乃背先蔑而立

靈公以禦秦師箕鄭居守趙盾將中軍先克佐之

克先且居子代狐射姑

荀林父佐上軍

箕鄭將上軍居守故佐獨行

先蔑將下軍先

都佐之步招御戎戎津為右及董陰

先蔑士會逆公子雍前還晉晉人始以逆

雍出軍卒然變計立靈公故車右戎御猶在職董陰晉地○招上遥反董音謹

○孔疏諸言御戎為右皆是君之御右知此步招戎津始以逆雍出軍此擬為

雍之御右也改立靈公故御右猶在職也十二年河曲之戰傳稱范無恤御戎

注云代步招晉君不行有御戎者成二年楚令尹子重為陽橋之役王卒盡

行彭名御戎注云王卒盡行故王戎車亦行然則河曲

之戰亦公卒盡行公之戎車亦行故御戎在職也

宣子曰我若受

秦秦則賓也不受寇也既不受矣而復緩師秦將

生心先人有奪人之心奪敵之戰心也○先去聲軍之善謀也逐寇

如追逃軍之善政也訓卒利兵秣馬蓐食潛師夜

起蓐食早食於寢蓐也○蓐音辱戊子敗秦師于令狐至于刳首己丑

先蔑奔秦士會從之

從刳首去也令狐在河東當與刳首相接○令狐今山西平陽府猗氏縣地水經注刳首

在西三十里當在今滎河臨晉間刳音枯先蔑之使也荀林父止之曰夫人大

子猶在而外求君此必不行子以疾辭若何不然

將及禍將及已攝卿以往可也何必子同官為寮吾嘗同

寮敢不盡心乎弗聽為賦板之三章板詩大雅其三章義取芻蕘之言猶不可

忽况同寮乎僖二十八年林父將中行先蔑將左行又弗聽及亡荀伯盡送其帑及其

器用財賄於秦曰為同寮故也荀伯林父士會在秦三年

不見士伯士伯先蔑其人曰能亡人於國言能與人俱亡于晉國不能見

於此焉用之何用如此士季曰吾與之同罪俱有迎公子雍之罪非義

之也將何見焉言已非慕先蔑之義而從之及歸遂不見責先蔑為正卿而不匡諫且俱

出奔惡有黨也士
會歸在十三年

○狄侵我西部公使告于晉趙宣子使因賈季問

鄆舒且讓之鄆舒狄相讓其伐魯時鄆舒問於賈季曰趙

衰趙盾孰賢對曰趙衰冬日之日也趙盾夏日之

日也冬日可愛
夏日可畏

○秋八月齊侯宋公衛侯陳侯鄭伯許男曹伯會

晉趙盾盟于扈晉侯立故也公後至故不書所會

凡會諸侯不書所會後也不書所會謂不具
列公侯及卿大夫後至不書

其國辟不敏也此傳還自釋凡例之意顧氏炎武曰公既不及
于會則不知班位之次序故不書諸國以辟不敏

○穆伯娶于莒曰戴已生文伯其娣聲已生惠叔

穆伯公叔敖也文伯穀也惠叔難也○已音紀難乃多反戴已卒又聘于莒莒人以聲

已辭則為襄仲聘焉襄仲公孫敖
從父昆弟冬徐伐莒莒人來請

盟見伐故
欲結援穆伯如莒涖盟且為仲逆及鄆陵登城見

之美鄆陵
莒邑自為娶之仲請攻之公將許之叔仲惠伯

諫惠伯叔
牙孫曰臣聞之兵作於內為亂於外為寇寇猶

及人亂自及也今臣作亂而君不禁以啟寇讎若

之何公止之惠伯成之平二使仲舍之舍不公孫敖反

之還莒
女復為兄弟如初從之為明年公孫
敖奔莒傳

○晉卻缺言於趙宣子曰日衛不睦故取其地日往

衛地在元年今已睦矣可以歸之叛而不討何以示威服

而不柔何以示懷柔安也非威非懷何以示德無德何

以主盟子為正卿以主諸侯而不務德將若之何

夏書曰逸書。今大禹謨戒之用休有休則戒之以勿休董之用威董督也

督之以威刑勸之以九歌勿使壞九功之德皆可歌也謂

之九歌六府三事謂之九功水火金木土穀謂之

六府正德利用厚生謂之三事義而行之謂之德

禮德正德也禮以制財用之節又以厚生民之命無禮不樂所由叛也若吾子之

德莫可歌也其誰來之來猶歸也樂音洛盍使睦者歌吾子

乎宣子說之為明年晉歸鄭衛田張本。孔疏鄭往前侵衛田今晉亦還衛田獨言鄭還衛田者以鄭歸衛田為主遂畧之

經八年春王正月○夏四月○秋八月戊申天王

崩襄王崩子項王壬臣立○冬十月壬午公子遂會晉趙盾盟于

衡雍壬午月五日。任氏公輔曰魯魯之○乙酉公子遂會雒

戎盟于暴乙酉月八日也暴鄭地公子遂不受命而盟宜去族善其解國患故稱公子以貴之○公孫敖如

京師不至而復丙戌奔莒不言出受命○冬

人殺其大夫司馬宋司城來奔司馬死不舍節司城奉身而退故皆書官而不名貴之

○宋

按大夫司馬大夫中之
司馬也不名蓋史略之

傳八年春晉侯使解揚歸匡戚之田于衛匡本衛邑中屬鄭孔達伐

不能克今晉令鄭還衛及取戚田皆見元年。解音蟹中去聲且復致公壻池之封自申至

于虎牢之竟公壻池晉君女壻又取衛地以封之今并還衛也申鄭地傳言趙盾所以能相幼主而盟諸侯。申當在今開封

府鄭州汜水縣界

○夏秦人伐晉取武城以報令狐之役令狐役在七年

○秋襄王崩為公孫敖如周弔傳

○晉人以扈之盟來討前年盟扈公後至冬襄仲會晉趙孟

盟于衡雍報扈之盟也遂會伊維之戎伊維之戎將伐魯公子遂不及

復君故專命與之盟書曰公子遂珍之也珍貴也大夫出竟有可以安社稷利國家者專之可。劉氏啟

曰若兩稱公子為褒者僖三十年公子遂如京師遂如晉則貶矣彼不謂貶何耶

○穆伯如周弔喪不至以幣奔莒從已氏焉已氏莒女

○宋襄夫人襄王之姊也昭公不禮焉昭公適祖母夫人

因戴氏之族華樂皇皆戴族以殺襄公之孫孔叔公孫鍾離

及大司馬公子印皆昭公之黨也司馬握節以死

故書以官節國之符信也握之以死誓不廢命司城蕩意諸來奔效節於

府人而出效猶致也意諸公子蕩之孫。孔公以其官逆之皆

復之亦書以官皆貴之也卿違從大夫公賢其效節故以本官逆之請宋而復之司城官屬悉來奔

故言皆復。○胡傳初宋昭公將去羣公子樂豫以為不可遂舍司馬以讓公子印則印固昭公之黨欲專宋政而昭公固欲以其弟印自衛也夫司馬掌兵之官不選衆舉賢以素有威望為國人所畏服者使居其任乃欲寵其私昵鮮有不亡者矣公子印蕩意諸皆以官舉者見主兵者不能其官至于見殺守土者不能其官至于出奔而其君不免失身見弑之禍宜矣

○夷之蒐晉侯將登箕鄭父先都登之於上軍也夷蒐在六年而使

士穀梁益耳將中軍士穀本司空先克曰狐趙之勲不可

廢也從之狐偃趙衰有從亡之勲先克奪蒯得田于董陰七年晉禦秦師于董陰以

軍事奪其田也先克中軍佐故箕鄭父先都士穀梁益耳蒯得作亂

為明年殺先克張本

經九年春毛伯來求金求金以共葬事雖踰年而未葬故不稱王使○夫人姜

氏如齊無傳歸寧○二月叔孫得臣如京師辛丑葬襄王

卿共葬事禮也。劉氏敞曰使卿共葬周末之凌替也非典之正也○晉人殺其大夫先都下軍佐也

以作亂討故書名○三月夫人姜氏至自齊無傳告于廟○晉人殺

其大夫士穀及箕鄭父與先都同罪也○楚人伐鄭楚子師於狼淵不親

伐。按楚子親將稱人。與三年書秦人伐晉同公子遂會晉人宋人衛人許人救

鄭○夏狄侵齊無傳○秋八月曹伯襄卒無傳七年同盟于扈○

九月癸酉地震無傳地道安靜以動為異故書○冬楚子使椒來聘稱君以使

大夫其禮辭與中國同椒不書氏史略文○秦人來歸僖公成風之襚衣服曰襚秦辟陋故不稱

使不稱夫人從來者辭。蘇氏轍曰不稱夫人非薨非葬名有所不必盡也○葬曹共公無傳

傳九年春王正月己酉使賊殺先克箕鄭等所使也亂殺先克不赴故不書

乙丑晉人殺先都梁益耳乙丑正月十九日經書二月從告

○毛伯衛來求金非禮也天子不私求財故曰非禮不書王命未葬

也○二月莊叔如周葬襄王

○三月甲戌晉人殺箕鄭父士穀崩得梁益耳崩得不書皆非卿

○范山言於楚子曰晉君少不在諸侯北方可圖

也范山楚大夫楚子師于狼淵以伐鄭陳師狼淵為伐鄭援也潁川謂之狼溝潁陰即今河南開封府許州囚公子堅公子尤及樂耳三子鄭大夫鄭

及楚平公子遂會晉趙盾宋華耦衛孔達許大夫

救鄭不及楚師卿不書緩也以懲不恪華耦華父督曾孫公子遂獨不

在貶者諸魯事自非指為其國褒貶則皆從國史不同之於他國此春秋大意他皆放此

○夏楚侵陳克壺邱壺邱陳邑○當在今開封府陳州南境以其服於晉也

秋楚公子朱自東夷伐陳子朱息陳人敗之獲公子

蔑陳懼乃及楚平以小勝大故懼而請平也傳言晉君少楚陵中國明年所以有厥貉之會○蔑扶廢反貉音麥

○冬楚子越椒來聘執幣傲子越椒令尹子文從子傲不敬叔仲惠伯

曰是必滅若敖氏之宗傲其先君神弗福也十二年傳曰先

君之敝器使下臣致諸執事明奉使皆告廟故言傲其先君也為宣四年楚滅若敖氏張本

○秦人來歸僖公成風之禭禮也秦慕諸夏欲通敬於魯因有翟泉之盟故追贈

僖公并及成風本非魯方嶽同盟無相赴弔之制故不譏其緩而以接好為禮諸侯相弔賀也雖不當

事苟有禮焉書也以無忘舊好送死不及尸故曰不當事書者書於典策垂示子孫使無

忘過厚之好

經十年春王三月辛卯臧孫辰卒無傳公與小斂故書曰○夏秦

伐晉不稱將帥告辭略○楚殺其大夫宜申宜申子西也謀弒君故書名○自

正月不雨至于秋七月無傳義與二年同○及蘇子盟于女

栗女栗地名闕蘇子周卿士項王新立故與魯盟親諸侯也○女音汝○冬狄侵宋無傳○楚子蔡

侯次于厥貉厥貉地名闕將伐宋而未行故書次○厥貉當在河南開封府陳州項城縣界貉音麥

傳十年春晉人伐秦取少梁少梁馮翊夏陽縣○今陝西西安府韓城縣南二十里有少梁城

夏秦伯伐晉取北徵報少梁○徵音懲○今西安府澄城縣西南二十里有北徵古城

○初楚范巫喬似喬似范邑之巫喬尹必反謂成王與子玉子西

曰三君皆將強死城濮之役王思之故使止子玉

曰母死不及止子西子西縊而縣絕在僖二十八年○強其丈反縣音懸

王使適至遂止之使為商公商楚邑今上雒商縣○隋改商州今屬西安府泂漢

泂江將入郢泂順流泂逆流○泂悅專反泂息路反王在渚宮小洲曰渚下見之懼

而辭曰臣免於死又有讒言謂臣將逃臣歸死於

司敗也陳楚名司寇為司敗子西畏讒言不敢之商縣王使為工尹掌百工之官又與子

家謀弒穆王穆王聞之五月殺鬬宜申及仲歸仲歸

子家不
書非卿

○秋七月及蘇子盟于女栗頃王立故也僖十年狄滅温蘇子

奔衛今復見
蓋王復之

○陳侯鄭伯會楚子于息冬遂及蔡侯次于厥貉

陳鄭及宋麋子不書者宋鄭執卑苟免為楚僕任受役於司馬麋子恥之遂逃而歸三君失位降爵故不列於諸侯宋鄭猶然則陳侯必同也○麋九倫

反將以伐宋宋華御事曰楚欲弱我也先為之弱

乎何必使誘我我實不能民何罪乃逆楚子勞且

聽命時楚欲誘呼宋共戰御事華元父○勞去聲遂道以田孟諸孟諸宋大數也在梁國睢陽縣東北○今

河南歸德府商邱縣東北有孟諸澤虞城縣北有孟諸臺宋公為右孟鄭伯為左孟孟田獵陳名

期思公復遂為右司馬復遂楚期思邑公今弋陽期思縣○期思古蔣國楚滅之漢置縣隋廢之在今

河南汝寧府固始縣西北七十里子朱及文之無畏為左司馬將獵張兩甄故置二左司馬然

則右司馬一人當中央○甄吉然反命夙駕載燧燧取火者宋公違命不夙駕載燧無畏扶

其僕以徇或謂子舟曰國君不可戮也子舟曰當

官而行何彊之有子舟無畏字○扶恥乙反詩曰剛亦不吐柔亦不

茹詩大雅美仲山甫不辟彊禦毋縱詭隨以謹罔極詩大雅詭人隨人無正心者謹猶慎也罔無也

極中是亦非辟彊也敢愛死以亂官乎為宣十四年宋人殺子舟張本○

厥貉之會麋子逃歸為明年楚子伐麋傳

春秋左傳杜注卷第八

春秋左傳杜注卷第九

華亭姚培謙學

文公

經十有一年春楚子伐麇

討前年逃厥貉會麇九倫反

○夏叔仲彭

生會晉卻缺于承筐

承筐宋地在陳留襄邑縣西彭生叔仲惠伯卻缺冀缺。卻去逆反今河南歸德府睢州

西三十里有故承筐城

○秋曹伯來朝○公子遂如宋○狄侵齊

○冬十月甲午叔孫得臣敗狄于鹹

鹹魯地

傳十一年春楚子伐麇成大心敗麇師於防渚

成大心

王之孫伯也防渚麇地。闕駟曰防即防陵也今為房縣屬湖廣鄖陽府

潘崇復伐麇至于錫穴

錫穴糜地。錫音羊。或作錫漢錫縣漢書注曰即春秋錫穴也今為鄆陽府治

○夏叔仲惠伯會晉卻缺于承筐謀諸侯之從於

楚者九年陳鄭及楚平十年宋聽楚命

○秋曹文公來朝即位而來見也

○襄仲聘于宋且言司城蕩意諸而復之八年意諸來奔歸不書史

失因賀楚師之不害也往年楚大厥貉將以伐宋

○鄭瞞侵齊鄭瞞狄國名防風之後漆姓鄭音搜遂伐我公卜使叔孫得

臣追之吉侯叔夏御莊叔莊叔得臣縣房甥為右富父終

甥駟乘駟乘四人共車乘去聲下皆同冬十月甲午敗狄于鹹獲長狄

僑如僑如鄭瞞國之君蓋長三丈獲僑如不書賤夷狄也僑其驕反富父終甥椿其喉以戈

殺之椿猶衝也椿音春埋其首於子駒之門子駒魯郭門骨節非常恐後世怪之故詳其處

以命宣伯得臣待事而名其三子因名宣伯曰僑如以旌其功初宋武公之世鄭瞞伐

宋在春秋前司徒皇父帥師禦之彫班御皇父充石皇父戴公子充

長邱長邱宋地今河南開封府封邱縣東有長邱亭獲長狄緣斯緣斯僑如之先皇父之二

子死焉皇父與穀甥及牛父皆死故彫班獨受賞宋公於是以門賞彫班使食

其征門關門征稅也謂之彫門晉之滅潞也在宣十五年獲僑如之

弟焚如齊襄公之二年魯桓之十六年顧氏炎武曰史記魯世家及齊世家十二諸侯年表皆作齊惠

公二年即魯宣之二年也在晉滅潞之前僅
十三年爾此傳以為襄公當是傳寫之訛
鄭瞞伐齊齊王子成

父獲其弟榮如榮如焚如之弟焚如後死而先說者欲其兄弟伯季相次榮如以魯桓十六年死至宣十五年一百三歲

其兄猶在傳言既長且壽有
異於人王子成父齊大夫
埋其首於周首之北門周首齊邑濟北穀城

縣東北有周首亭○水經注謂之盧子亭在今
山東兗州府東阿縣東北近濟南府長清縣界
衛人獲其季弟簡

如伐齊退走至衛見獲鄭瞞由是遂亡長狄之種絕

○邾大夫朱儒自安於夫鍾安處也夫鍾邾邑○夫音扶國人弗徇

徇順也為明年邾伯來奔傳

經十有二年春王正月邾伯來奔稱爵見公以諸侯禮迎之○杞伯

來朝復稱伯舍夷禮○穀梁傳范氏注僖二十七年稱子今稱伯蓋時王所進○二月庚子子叔姬

卒既嫁成人雖見出奔猶以恩錄其卒○夏楚人圍巢巢吳楚間小國廬江六縣東有居巢城○今江南廬州府巢城居巢湖有古

○秋滕子來朝○秦伯使術來聘術不稱氏史畧文

○冬十有二月戊午晉人秦人戰于河曲不書敗績交綏而退

不大崩也稱人秦晉無功以微者告也皆陳曰戰例在莊十一年河曲在河東蒲坂縣南○今山西平陽府蒲州城外東南隅有蒲坂故城孫氏復曰二國之讎既易世矣二國之戰固可以已也而秦康晉靈猶尋舊怨殘民以逞故孔子自令狐之戰不復名其將帥○季孫

行父帥師城諸及鄆鄆莒魯所爭者城陽姑幕縣南有負亭員即鄆也以其遠徧外國故帥師城之○鄆音運員音云○今山東青州府沂水縣北鄆城是也此為東鄆成四年城鄆為西鄆乃在兗州府東平州

傳十二年春邾伯卒邾人立君大子自安於外邑故大子以夫

鍾與邾邾來奔邾邾亦邑○邾音圭公以諸侯逆之非禮也非公寵叛

鍾與邾邾來奔邾邾亦邑○邾音圭公以諸侯逆之非禮也非公寵叛

人故書曰邾伯來奔不書地尊諸侯也既尊以為諸侯故不復見其竊

邑之罪。劉氏敞曰非也。即實邾伯來奔。又何以辨哉。且魯但以諸侯逆之。便謂之邾伯。春秋又遂沒其專土叛君之罪。反謂之諸侯而尊之。則何以稱不登叛人哉。意者先邾伯以去年卒。太子即位而不能自安。遂出奔。此乃真邾伯矣。以其即位日淺。或謂之太子。而左氏則誤以為太子出奔也。

○杞桓公來朝始朝公也公即位始來朝且請絕叔姬而無

絕昏公許之不絕昏立其娣以為夫人。不書大歸未歸而卒。○孔疏傳言請無絕昏。成五年有杞叔姬來歸。故知其娣為夫人也。

其娣亦字叔者。周之法稱叔也。釋例曰杞桓公以僖二十三年即位。襄六年卒。凡在位七十一年。文成之世。經書叔姬二人。一人出。一人卒。皆杞桓公夫人也。

二月叔姬卒不言杞絕也既許其絕故不言杞書叔姬言非女

也女未笄而卒不書

○楚令尹大孫伯卒成嘉為令尹若敖曾孫子孔羣舒叛楚

羣舒偃姓舒庸舒鳩之屬。今廬江南有舒城舒城西南有龍舒。○今廬州府舒城廬江二縣之境皆羣舒地也。孔疏世本偃姓舒庸舒蓼舒鳩舒龍舒鮑舒龔以其非一故言屬以包之。夏子孔執舒子平及宗子遂圍巢舒平舒君名宗巢二國羣舒之屬

○秋滕昭公來朝亦始朝公也

○秦伯使西乞術來聘且言將伐晉襄仲辭玉曰君不忘先君之好照臨魯國鎮撫其社稷重之以

大器寡君敢辭玉大器圭璋也不欲與秦為好故辭玉對曰不腆敝器不

足辭也腆厚也主人三辭賓答曰寡君願徼福于周公

魯公以事君徼要也魯公伯禽也言願事君以并蒙先君之福。徼古堯反要平聲下同不腆先君

之敝器使下臣致諸執事以為瑞節節信也出聘必告廟故稱先君之器

要結好命所以藉寡君之命結二國之好藉薦也是以

敢致之襄仲曰不有君子其能國乎國無陋矣厚

賄之賄贈送也

○秦為令狐之役故冬秦伯伐晉取羈馬令狐役在七年羈馬

晉邑○今平陽府蒲州南三十六里有羈馬城一名涉邱晉人禦之趙盾將中軍荀林父

佐之林父代先克卻缺將上軍代箕史駢佐之代林父欒盾將下

軍欒枝子代先蔑胥甲佐之胥臣子代先都范無恤御戎代步招以從秦師

于河曲史駢曰秦不能久請深壘固軍以待之從

之秦人欲戰秦伯謂士會曰若何而戰晉士會七年奔秦對

曰趙氏新出其屬曰史駢必實為此謀將以老我

師也史駢趙盾屬大夫新出佐上軍趙有側室曰穿晉君之壻也側室支子穿趙

夙庶有寵而弱不在軍事弱年少也又未嘗涉知軍事好勇而狂且惡

史駢之佐上軍也若使輕者肆焉其可肆暫往而退也○輕去聲秦

伯以璧祈戰于河勝十二月戊午秦軍掩晉上軍

趙穿追之不及上軍不動趙穿獨追之反怒曰襄糧坐甲固敵是

求敵至不擊將何俟焉軍吏曰將有待也待可擊穿曰

我不知謀將獨出乃以其屬出宣子曰秦獲穿也

獲一卿矣

僖三十三年晉侯以一命命卻缺為卿不在軍帥之數然則晉自有散位從卿者

秦以勝歸

我何以報乃皆出戰交綏

司馬遷曰逐奔不遠從綏不及逐奔不遠則難誘從綏不及則難陷然則

古名退軍為綏秦晉志未能堅戰短兵未至爭而兩退故曰交綏

秦行人夜戒晉師曰兩軍

之士皆未愁也明日請相見也

愁缺也。與駢曰使

者目動而言肆懼我也

目動心不安言肆聲放失常節將遁矣薄諸河

必敗之

薄迫也胥甲趙穿當軍門呼曰死傷未收而弃

之不惠也不待期而薄人於險無勇也乃止

晉師止為宣元

年放胥甲傳秦師夜遁復侵晉入瑕

○城諸及鄆書時也

經十有三年春王正月○夏五月壬午陳侯朔卒

無傳再同盟

○邾子蘧蒢卒

未同盟而赴以名○蘧蒢其居反○蘧蒢瑣之子

○自正月

不雨至于秋七月

無傳義與二年同

○大室屋壞

大廟之室○大音泰

冬公如晉衛侯會公于沓

沓地闕○沓徒答反

○狄侵衛無傳

十有二月己丑公及晉侯盟

十二月無己丑己丑十一月十一日

公還自晉

鄭伯會公于棊

棊鄭地○棊芳尾反○即棊林路史開封宛陵有棊林之鄉宛陵故城今屬河南開封府新鄭縣縣東

二十五里林鄉城是其地也

傳十三年春晉侯使詹嘉處瑕以守桃林之塞

詹嘉晉大夫

夫賜其瑕邑令帥眾守桃林以備秦桃林在弘農華陰縣東潼關○塞悉代反○地理通釋云自潼關至函谷歷陝華二州之地俱謂之桃林塞今陝

西西安府華陰縣以東河南
河南府靈寶縣以西皆是也

○晉人患秦之用士會也夏六卿相見於諸浮諸浮晉地

趙宣子曰隨會在秦賈季在狄難日至矣若之何

六年賈季奔狄中行桓子曰請復賈季中行桓子荀林父也僖二十八年始將中行故以為氏能

外事孔疏賈季是狐突之孫狐偃之子本是狄人能知外竟之事謂知狄之情得豫為之備且由舊勲有狐偃之舊勲

卻成子曰賈季亂且罪大殺陽處父故不如隨會能賤而

有恥柔而不犯不可犯以不義其知足使也且無罪音智乃使

魏壽餘偽以魏叛者以誘士會執其帑於晉使夜

逸魏壽餘畢萬之後帑壽餘子帑音奴請自歸于秦秦伯許之許受其邑履士會

之足於朝躡士會足欲使行秦伯師于河西將取魏魏人在東今河北縣

於秦為在河之東壽餘曰請東人之能與夫二三有司言者

吾與之先欲與晉人在秦者共先告喻魏有司使士會士會辭曰晉人虎狼

也若背其言臣死妻子為戮無益於君不可悔也

辭行示已無去心秦伯曰若背其言所不歸爾帑者有如河

言必歸其妻子明白如河乃行繞朝贈之以策策馬櫪臨別授之馬櫪並示已所策以展情繞朝秦大夫櫪

張瓜反馬杖也曰子無謂秦無人吾謀適不用也示已覺其情既濟

魏人譟而還喜得士會譟素報反秦人歸其帑其處者為劉氏

士會堯後劉累之胤別族復累之姓累劣彼反

○邾文公卜遷于繹繹邾邑魯國鄒縣北有繹山○在今山東兗州府鄒縣東南山陽有邾城史曰

利於民而不利於君邾子曰苟利於民孤之利也

天生民而樹之君以利之也民既利矣孤必與焉

○與音預左右曰命可長也君何弗為邾子曰命在養民

死之短長時也民苟利矣遷也吉莫如之左右以一人之命為言文公

以百姓之命為主一人之命各有短長不可如何百姓之命乃傳世無窮故徙之遂遷于繹○孔疏邾既遷都于此竟內別有繹邑宣

十年歸父取繹取彼之別邑不取邾之國都也五月邾文公卒君子曰知命

○秋七月大室之屋壞書不共也簡慢宗廟使至傾頽故書以見臣子不共

○冬公如晉朝且尋盟○尋八年衛雍之盟衛侯會公于沓請

平于晉公還鄭伯會公于棐亦請平于晉公皆成

之鄭衛貳於楚畏晉故因公請平鄭伯與公宴于棐子家賦鴻雁子家鄭大夫公

子歸生也鴻雁詩小雅義取侯伯哀恤鰥寡有征行之勞言鄭國寡弱欲使魯侯還晉恤之季文子曰寡君未

免於此言亦同有微弱之憂文子賦四月四月詩小雅義取行役踰時思歸祭祀不欲為還晉○為去聲

子家賦載馳之四章載馳詩鄘風四章以下義取小國有急欲引大國以救助文子賦

采薇之四章采薇詩小雅取其豈敢定居一鄭伯拜謝公為行公

答拜

經十有四年○是年頃王崩子匡王班立春秋皆不書崩葬春王正月公至自晉

無傳告於廟○邾人伐我南鄙叔彭生帥師伐邾○叔下脫仲字

夏五月乙亥齊侯潘卒

七年盟于扈乙亥四月二十九日書五月從赴。孔疏蓋赴以五月到惟言卒

日不言其月即書其所至之月按孔之尊杜最至故云然耳

○六月公會宋公陳侯衛侯

鄭伯許男曹伯晉趙盾癸酉同盟于新城

新城宋地在梁國穀熟縣

西。在今河南歸德府商邱縣西南

○秋七月有星孛入于北斗

孛彗也既見而移入北斗非常

所有故書之。孛音佩彗似歲反

○公至自會 ○晉人納捷菑于邾弗

克納

邾有成君晉趙盾不度于義而大興諸侯之師涉邾之竟見辭而退雖有服義之善所興者庸所害者眾故貶稱人。菑側其反

九月甲申公孫敖卒于齊

既許復之故從大夫例書卒

○齊公子商

人弒其君舍

舍未踰年而稱君者先君既葬舍已即位弒君例在宣四年

○宋子哀來奔

大夫奔例書名氏貴之故稱字

○冬單伯如齊

單伯周卿士為魯如齊故書。單伯魯大夫張氏洽曰單伯自莊元年至

今已八十餘年未必一人或其子若孫與

齊人執單伯

諸侯無執王使之義故不依行人例

齊人執子

叔姬

叔姬魯女齊侯舍之母不稱夫人自魯錄之父母辭

傅十四年春頃王崩

頃音傾

周公閱與王孫蘇爭政故

不赴凡崩薨不赴則不書禍福不告亦不書

奔亡禍也歸復

福也懲不敬也欲使怠慢者自戒

○邾文公之卒也

在前

公使弔焉不敬邾人來討伐

我南鄙故惠伯伐邾

家氏鉉翁曰魯以七年伐邾取須句邾人不能報至是與南鄙之師左氏乃謂邾人討

魯往弔之不敬彼小國安敢責禮于大國亦修怨耳

○子叔姬妃齊昭公生舍叔姬無寵舍無威公子

商人驟施於國驟數也商人桓公子而多聚士盡其家貸

於公有司以繼之家財盡從公及國夏五月昭公卒舍

即位顧氏炎武曰僖二十七年經齊侯昭卒今此昭公即孝公之弟不當以先君之名為謚經不書葬無可考正而僖十七年傳曰葛嬴生昭公

前後文同先儒無致疑者

○邾文公元妃齊姜生定公二妃晉姬生捷菑文

公卒邾人立定公捷菑奔晉

○六月同盟于新城從於楚者服從楚者陳鄭宋且謀邾也

謀納捷菑

○秋七月乙卯夜齊商人弑舍而讓元元商人兄齊惠公也書九月從

告七月無乙卯日誤元曰爾求之久矣我能事爾爾不可使多

蓄憾不為君則恨多將免我乎爾為之言將復殺我

○有星孛入于北斗周内史叔服曰不出七年宋

齊晉之君皆將死亂後三年宋弑昭公五年齊弑懿公七年晉弑靈公史服但言事徵而不論其占固非末學

所得詳言

○晉趙盾以諸侯之師八百乘納捷菑于邾八百乘六萬人

言方有餘邾人辭曰齊出糴且長糴且定公○糴俱縛反且子餘反宣子曰辭

順而弗從不祥乃還立適以長故曰辭順

○周公將與王孫蘇訟于晉王叛王孫蘇王匡王而

使尹氏與聃啟訟周公于晉訟理之尹氏周卿士聃啟周大夫。聃乃甘反。趙宣

子平王室而復之復使和親

○楚莊王立穆王子也子孔潘崇將襲羣舒使公子燮與

子儀守而伐舒蓼即羣舒二子作亂城郢而使賊殺子

孔不克而還八月二子以楚子出將如商密國語曰楚莊王

幼弱子儀為師王子燮為傅盧戢黎及叔麋誘之遂殺鬬克及公子

燮盧今襄陽中盧縣戢黎盧大夫叔麋其佐鬬克子儀也初鬬克囚于秦在僖二十五年秦有

穀之敗在僖三十三年而使歸求成成而不得志無賞報也公子燮

求令尹而不得故二子作亂傳言楚莊幼弱國內亂所以不能與晉競

○穆伯之從已氏也在八年。已音紀魯人立文伯穆伯之子穆伯

生二子於莒而求復文伯以為請襄仲使無朝聽

命復而不出不得使與聽政事終寢於家故出入不書。與音預三年而盡室以復適

莒文伯疾而請曰穀之子弱子孟獻子。年尚少請立難也難殺弟。

難乃多反許之文伯卒立惠叔穆伯請重賂以求復惠叔

以為請許之將來九月卒于齊告喪請葬弗許請以卿禮

葬。請歸葬也

○宋高哀為蕭封人以為卿蕭宋附庸任附庸還升為卿不義宋公

而出遂來奔出而待放從放所來故曰遂書曰宋子哀來奔貴之也

貴其不食汚君之祿辟禍速也。○公羊傳宋子哀者何無聞焉耳穀梁傳其曰子哀失之也。范氏注言失其氏族不知何人家氏鉉翁曰宋公不能君亂且作矣子哀若不在其位潔身而去猶之可也既為卿矣臨難自免為臣不忠罪莫大焉而以為春秋貴而不名豈聖人垂法之旨哉

○齊人定懿公使來告難故書以九月齊人不服故三月而後定書以

九月明經日月皆從赴齊公子元不順懿公之為政也終不曰公

曰夫已氏猶言某甲。夫音扶已音紀。顧氏炎武曰猶言彼已之子耳。

○襄仲使告于王請以王寵求昭姬于齊昭姬子叔姬曰

殺其子焉用其母請受而罪之冬單伯如齊請子

叔姬齊人執之恨魯恃王勢以求女故又執子叔姬欲以恥辱魯

經十有五年春季孫行父如晉○三月宋司馬華

孫來盟華孫奉使鄰國能臨事制宜至魯而後定盟故不稱使其官皆從故書司馬○夏曹伯來朝

○齊人歸公孫敖之喪大夫喪還不書善魯感子以赦父敦公族之恩崇仁孝之教故特錄敖喪歸以示義

○六月辛丑朔日有食之鼓用牲于社傳例曰非禮也○單

伯至自齊○晉卻缺帥師伐蔡戊申入蔡傳例曰獲大城曰入

○秋齊人侵我西部○季孫行父如晉○冬十有

一月諸侯盟于扈將伐齊晉侯受賂而止故總曰諸侯言不足序列十有二月齊人

來歸子叔姬齊人以王故來送子叔姬故與直出者異文○齊侯侵我西部遂

伐曹入其郭郭郭也

傳十五年春季季文子如晉為單伯與子叔姬故也

因晉請齊

○三月宋華耦來盟其官皆從之書曰宋司馬華

孫貴之也

古之盟會必備威儀崇執幣賓主以成禮為敬故傳曰卿行旅從春秋時率多不能備儀華孫能率其屬以從古

典所以敬事而自重使重而事敬則魯尊而禮篤故貴而不名。孔疏聘禮之文有上介眾介至所聘之國則史讀書司馬執策賈人拭玉有司展幣其官皆從謂共聘之官無關當有留治政者孫氏覺曰盟會而備其官何足善乎聖人之意殆不然也公與之宴辭曰

君之先臣督得罪於宋殤公名在諸侯之策臣承

其祀其敢辱君

耦華督曾孫也督弑殤公在桓二年耦自以罪人子孫故不敢屈辱魯君對共宴會

請承

命於亞旅

亞旅上大夫也

魯人以為敏

無故揚其先祖之罪是不敏魯人以為敏明君子所不與也

○夏曹伯來朝禮也諸侯五年再相朝以脩王命

古之制也

十一年曹伯來朝雖至此乃來亦五年傳為冬齊侯伐曹張本。趙氏鵬飛曰子太叔曰文襄之霸也其務不煩令

諸侯三歲一聘五歲一朝左氏於此見曹伯十一年來朝至是又來朝適當五歲之期遂曰諸侯五年再相朝以修王命古之制也考于禮無五歲再相朝之禮

再相朝之禮

○齊人或為孟氏謀

孟氏公孫敖家慶父為長庶故或稱孟氏

曰魯爾親也飾

棺寘諸堂阜

堂阜齊魯竟上地飾棺不殯示無所歸

魯必取之從之卞人以

告

卞人魯卞邑大夫

惠叔猶毀以為請

教卒則惠叔請之至今期年而猶未已毀過喪禮

立於

朝以待命許之取而殯之

殯于孟氏之寢終叔服之言

齊人送之書

曰齊人歸公孫敖之喪為孟氏且國故也

為惠叔毀請且國之公族

故聽其歸殯而書之

葬視共仲

制如慶父皆以罪降

聲已不視帷堂而哭

聲已惠叔

母怨教從莒女故帷堂。孔疏檀弓云尸未設飾故帷堂小斂而徹帷至大斂之節又帷堂以至于殯恒帷堂雜記可朝夕哭則不帷今聲已恨穆伯故朝夕哭仍帷堂也。襄仲欲勿哭。怨教取其妻。惠伯曰喪親之終也。惠伯叔彭生。

雖不能始善終可也。史佚有言曰兄弟致美。各盡其美義乃

終救乏賀善弔災祭敬喪哀情雖不同毋絕其愛。

親之道也。子無失道何怨於人。襄仲說帥兄弟以

哭之他年其二子來。教在莒所生。孟獻子愛之聞於國。獻子穀之

子仲孫蔑或譖之曰將殺子。獻子以告季文子。二子曰夫

子以愛我聞我以將殺子聞不亦遠於禮乎。遠禮

不如死。一人門于句鮑一人門于戾邱皆死。句鮑戾邱魯邑

有寇攻門二子禦之而死。遠去聲句古侯反鮑莫幸反。

○六月辛丑朔日有食之鼓用牲于社非禮也。得常鼓之

月而於社用牲為非禮。日有食之天子不舉。去盛饌。伐鼓于社。責羣陰伐社猶擊也。

諸侯用幣于社。社尊於諸侯故請救而不敢責之。伐鼓于朝。退自責。以昭事

神訓民事君。天子不舉諸侯用幣所以事神尊卑異制所以訓民。示有等威古之道

也。等威威儀之等差。

○齊人許單伯至自齊貴之也。單伯為魯拘執既免而不廢禮終來致命故貴而告廟。張氏洽曰若如

書曰單伯至自齊貴之也。單伯為魯拘執既免而不廢禮終來致命故貴而告廟。張氏洽曰若如

左氏之說以單伯為周大夫則是齊執王使春秋既不書其自周來魯又止書其至魯而不復言其歸京師是同之于魯之臣子無復周魯大夫之別且

無以明齊人之執王使豈春
秋辨上下尊王室之義哉

○新城之盟在前年蔡人不與不與盟晉卻缺以上軍下軍

伐蔡兼帥二軍曰君弱不可以怠怠解也戊申入蔡以城下之

盟而還凡勝國曰滅之勝國絕其社稷有其土地獲大城焉曰入之

得大都而不有

○秋齊人侵我西部故季文子告于晉冬十一月

晉侯宋公衛侯蔡侯陳侯鄭伯許男曹伯盟于扈

尋新城之盟且謀伐齊也齊執王使且數伐魯齊人賂晉侯故

不克而還於是有齊難是以公不會明今不序諸侯不以公不會故書

曰諸侯盟于扈無能為故也惡其受賂不能討齊凡諸侯會公

不與不書諱君惡也謂國無難不會義事故為惡不書謂不國別序諸侯與而不書

後也謂後期也今貶諸侯似為公諱故傳發例以明之

○齊人來歸子叔姬王故也單伯雖見執能守節不移終達王命使叔姬得歸

○齊侯侵我西部謂諸侯不能也不能討已遂伐曹入其

郭討其來朝也此年夏朝季文子曰齊侯其不免乎已則

無禮執王使而伐無罪而討於有禮者曰女何故行禮禮以

順天天之道也已則反天而又以討人難以免矣

詩曰胡不相畏不畏于天詩小雅君子之不虐幼賤畏

于天也在周頌曰畏天之威于時保之詩周頌言畏天威于是保福祿

不畏于天將何能保以亂取國奉禮以守猶懼不

終多行無禮弗能在矣為十八年齊弑商人傳

經十有六年春季孫行父會齊侯于陽穀齊侯弗

及盟及與也○夏五月公四不視朔諸侯每月必告朔聽政因朝於廟今公以疾闕不得

視二月三月四月五月朔也春秋十二公以疾不視朔非一也義無所取故特舉此以表行事因明公之實有疾非詐齊○六月戊

辰公子遂及齊侯盟于鄆邱信公疾且以賂故鄆邱齊地也

阿縣○秋八月辛未夫人姜氏薨僖公夫人文公母也○毀泉臺

泉臺臺名境○楚人秦人巴人滅庸○冬十有一月宋

人弑其君杵臼稱君君無道也例在宣四年

傅十六年春王正月及齊平齊前年再伐魯魯為受弱故平為去聲公有疾

使季文子會齊侯于陽穀請盟齊侯不肯曰請侯

君間閒疾瘳閒如字瘳勅周反○夏五月公四不視朔疾也公使

襄仲納賂于齊侯故盟于鄆邱

○有蛇自泉宮出入于國如先君之數伯禽至僖公十七君秋

八月辛未聲姜薨毀泉臺魯人以為蛇妖所出而聲姜薨故壞之孔疏臺在宮內毀臺并毀其宮

○楚大饑戎伐其西南至于阜山師于大林又伐

其東南至于陽邱以侵訾枝戎山夷也大林陽邱訾枝皆楚邑今湖廣鄖陽府房縣南五

十里有阜山荆門州西北有長林城孔疏四夷之名隨方定稱則曰東夷西戎南蠻北狄其當處立名則各從方號故北戎病燕齊侯伐山戎北方得有戎故楚西亦有戎戎是山間之民庸人帥羣蠻以叛楚庸今上庸縣屬楚之小國

○今鄖陽府竹山縣古上庸地麋人率百濮聚於選將伐楚選楚地百濮夷也○選當在湖廣荆州府枝江縣南境釋例曰建寧郡南有濮夷無君長總統各以邑落自聚故稱百濮

於是申息之北門不楚險地○當在湖廣襄陽府西境

啓備中楚人謀徙於阪高楚險地○當在湖廣襄陽府西境為賈曰不可

我能往寇亦能往不如伐庸夫麋與百濮謂我饑

不能師故伐我也若我出師必懼而歸百濮離居

將各走其邑誰暇謀人乃出師旬有五日百濮乃

罷濮夷無屯聚見難則散歸自廬以往振廩同食往往伐庸也振發也廩倉也同食上下無異饌也次

于句瀝楚西界也○句古侯反○當在襄陽府均州西使廬戢黎侵庸戰黎廬大夫及庸

方城方城庸地上庸縣東有方城亭○今竹山縣東四十五里有方城是也庸人逐之囚子揚窻

窻戢黎官屬三宿而逸曰庸師衆羣蠻聚焉不如復大師

還復句且起王卒合而後進師叔曰不可師叔楚大夫潘尪也姑

又與之遇以驕之彼驕我怒而後可克先君蚡冒

所以服陘隰也蚡冒楚武王父陘隰地名○蚡扶粉反史記楚世家云蚡冒卒弟熊通弑蚡冒子而代立是為楚武王與杜

又與之遇七遇皆北軍走唯裨儵魚人

實逐之裨儵魚庸三邑魚魚復縣今巴東永安縣輕楚故但使三邑人逐之○裨婢支反儵直留反○今四川夔州府奉節縣即古魚復

庸人曰楚不足與戰矣遂不設備楚

子乘駟會師于臨品

駟傳車也臨品地名○駟人實反傳丁戀反○臨品在均州界

分為二隊

隊部也兩道攻之○隊徒對反

子越自石溪子貝自仞以伐庸

子越鬪椒也石溪仞入庸

道○當在均州界

秦人巴人從楚師羣蠻從楚子盟

蠻見楚強故

遂

滅庸

傳言楚有謀臣所以興

○宋公子鮑禮於國人

鮑昭公庶弟文公也

宋饑竭其粟而貸

之年自七十以上無不饋詒也時加羞珍異

羞進也

日不數於六卿之門

數不疏○數音朔

國之材人無不事也

有賢材者

親自桓以下無不恤也

桓鮑之曾祖

公子鮑美而豔襄

夫人欲通之

鮑嫡祖母

而不可

以禮自防閑

乃助之施昭公無道

國人奉公子鮑以因夫人於是華元為右師

元華督曾孫代

公子成

公孫友為左師華耦為司馬

代公

鱗矐為司徒

音矐

蕩意諸為司城公子朝為司寇

代華御事

初司城蕩卒公

孫壽辭司城

壽蕩之子

請使意諸為之

意諸壽之子

既而告人曰

君無道吾官近懼及焉

禍及已

弃官則族無所庇子身

之貳也姑紓死焉

姑且也紓緩也○紓音舒

雖亡子猶不亡族

已在故也

夫人將使公田孟諸而殺之公知之盡以寶行蕩

意諸曰盍適諸侯公曰不能其大夫至于君祖母

以及國人

君祖母諸侯祖母之稱謂襄夫人

諸侯誰納我且既為人君

而又為人臣不如死盡以其寶賜左右而使行行去也

夫人使謂司城去公對曰臣之而逃其難若後君

何言無以事後君冬十一月甲寅宋昭公將田孟諸未至夫

人王姬使帥甸攻而殺之襄夫人周襄王姊故稱王姬帥甸郊甸之帥。孔疏近國為郊郊外為甸。

天子之甸為公邑之田則諸侯之甸亦公邑也帥甸者甸地之帥當是公邑之大夫也獨言帥甸無以相明故舉類言之云郊甸之帥其實正是甸地之帥。

非郊地也蕩意諸死之不書不告書曰宋人弒其君杵臼君無

道也始例發於臣之罪今稱國人故重明君罪。汪氏克寬曰昭公無道久失眾心故襄夫人使人因眾惡而殺之書曰宋人弒其君既足著昭公無道之實又斥宋人大惡之罪而襄夫人以君祖母縱國人之弒其君其與弒之罪不書而自見矣。文公即位使母弟

須為司城代意華耦卒而使蕩虺為司馬虺意諸之弟。虺况鬼反。

經十有七年春晉人衛人陳人鄭人伐宋自閔僖以下終於春秋陳侯常在衛侯上今大夫會在衛下傳不言陳公孫寧後至則寧位非上卿故也。夏四月癸亥葬我小

君聲姜高氏閔曰不稱僖姜而別為之謚非禮也。齊侯伐我西鄙西當為北蓋經誤。

六月癸未公及齊侯盟于穀○諸侯會于扈昭公雖以無道見弒而文公猶宜以弒君受討故林父伐宋以失所稱人晉侯平宋以無功不序明君雖不君臣不可不臣所以督大教。秋公至

自穀無傳○冬公子遂如齊

傳十七年春晉荀林父衛孔達陳公孫寧鄭石楚

伐宋討曰何故弒君猶立文公而還卿不書失其所也

卿不書謂稱人。胡傳列國之卿其君所與共天位治天職者宋有弒君之亂欲行天討而伐宋乃其職也復不能討而成其亂是不足為

所也

卿不書謂稱人。胡傳列國之卿其君所與共天位治天職者宋有弒君之亂欲行天討而伐宋乃其職也復不能討而成其亂是不足為

國卿失其職矣

○夏四月癸亥葬聲姜有齊難是以緩過五月之例。劉氏敞曰按聲

姜薨後乃無齊難既葬而有齊師耳

○齊侯伐我北鄙襄仲請盟六月盟于穀晉不能救魯故請服

○晉侯蒐于黃父一名黑壤晉地。詳七年遂復合諸侯于扈平宋

也傳不列諸國而言復合則如上十五年會扈之諸侯可知也公不與會齊難故也書曰

諸侯無功也刺欲平宋而復不能。與音預於是晉侯不見鄭伯以為

貳於楚也鄭子家使執訊而與之書以告趙宣子

執訊通訊問之官為書與宣子曰寡君即位三年魯文二年召蔡侯而與之事

君九月蔡侯入于敝邑以行行朝敝邑以侯宣多之

難寡君是以不得與蔡侯偕宣多既立穆公恃寵專權十一月克減

侯宣多而隨蔡侯以朝于執事減損也難未盡而行言汲汲於朝晉十二

年六月歸生佐寡君之嫡夷歸生子家名夷大子名以請陳侯于

楚而朝諸君請陳于楚與俱朝晉十四年七月寡君又朝以歲

陳事歲敕也敕成前好。歲敕展反十五年五月陳侯自敝邑往朝于

君往年正月燭之武往朝夷也將夷往朝晉八月寡君又

往朝以陳蔡之密邇於楚而不敢貳焉則敝邑之

故也密邇比近也雖敝邑之事君何以不免免免罪也在位之中

一朝于襄襄公而再見于君君靈公也夷與孤之二三臣相

及於絳孤之二三臣謂燭之武歸生自謂也絳晉國都雖我小國則蔑以過之矣

今大國曰爾未逞吾志敝邑有亡無以加焉古人

有言曰畏首畏尾身其餘幾言首尾有畏則身中不畏者少又曰鹿死

不擇音音所殊蔭之處古字聲同皆相假借。殊虛求反蔭於燭反小國之事大國也德

則其人也以德加已則以人道相事不德則其鹿也鋌而走險急何

能擇鋌疾走貌言急則欲蔭殊於楚如鹿赴險。鋌他頂反命之罔極亦知亡矣言晉命無極文公

將悉敝賦以待於儵唯執事命之儵晉鄭之竟言欲以兵距晉文公

二年六月壬申朝于齊鄭文二年六月壬申魯莊二十三年六月二十四日四年二月

壬戌為齊侵蔡魯莊二十五年二月無壬戌壬戌三月二十日亦獲成於楚鄭與楚成居

大國之間而從於彊令豈其罪也今號令也大國若弗圖

無所逃命晉鞏朔行成於鄭趙穿公壻池為質焉

趙穿卿也公壻池晉侯女壻。鞏九勇反質音致

○秋周甘歆敗戎于邠垂乘其飲酒也歆周大夫邠垂周地河南新城

縣北有垂亭為成元年晉侯平戎于王張本。歆昌欲反邠音審。服氏虔曰邠亭在高都南今為河南河南府洛陽縣地

○冬十月鄭太子夷石楚為質于晉夷靈公也石楚鄭大夫

○襄仲如齊拜穀之盟復曰臣聞齊人將食魯之

麥以臣觀之將不能齊君之語偷臧文仲有言曰

民主偷必死

偷猶苟且

經十有八年春王二月丁丑公薨于臺下○秦伯

營卒

無傳未同盟而赴以名營於耕反○康公也

○夏五月戊戌齊人弑其君

商人

不稱盜罪商人○孫氏覺曰齊人殺商人自以其私非討賊也春秋之義弑君大惡之人殺之必正其罪苟不討其罪又以其私則亦曰弑君也所以原情定罪而大為之防也

○六月癸酉葬我君文公○秋公子

遂叔孫得臣如齊

書二卿以兩事行非相為介

○冬十月子卒

先君既葬不稱

君者魯人諱弑以未成君書之子在喪之稱○胡傳諸侯在喪稱子既葬不名踰年稱君

○夫人姜氏歸于齊

○季孫行父如齊

無傳

○莒弑其君庶其

稱君君無道也

傳十八年春齊侯戒師期

將以伐魯

而有疾醫曰不及

秋將死公聞之卜曰尚無及期

尚庶幾也欲令先師期死

惠伯令龜

以下事告龜

卜楚邱占之曰齊侯不及期非疾也君亦不

聞

言君先齊侯終

令龜有咎

言令龜者亦有凶咎見於卜兆為惠伯死張本

二月丁丑公薨

○齊懿公之為公子也與邴歆之父爭田弗勝及

即位乃掘而刖之

斷其尸足邴音丙

而使歆僕

僕御也

納閭職之

妻而使職駮乘

駮乘陪乘

夏五月公游于申池

齊南城西門名申門齊城

無池唯此門左右有池疑此則是○郡國志謂之左右池即系水源也今在山東青州府臨淄縣西

二人浴于池歆

以扑扶職

扑箠也扶擊也欲以相感激○扶救乙反

職怒歆曰人奪女妻而不

怒一扶女庸何傷職曰與刖其父而弗能病者何

如言不以父別為病恨乃謀弑懿公納諸竹中○納懿公于申池之竹中歸舍爵

而行飲酒訖乃去言齊人惡懿公二人無所畏○舍音赦置也齊人立公子元桓公子惠公

○六月葬文公秋襄仲莊叔如齊惠公立故且拜葬也襄仲賀惠公立莊叔謝齊來會葬

○文公二妃敬嬴生宣公敬嬴嬖而私事襄仲宣

公長而屬諸襄仲襄仲欲立之叔仲不可叔仲見

于齊侯而請之齊侯新立而欲親魯許之冬十月

仲殺惡及視而立宣公惡天子視其母弟殺視不書賤之書曰子卒諱

之也仲以君命召惠伯詐以子惡命其宰公冉務人止之

曰入必死叔仲曰死君命可也公冉務人曰若君

命可死非君命何聽弗聽乃入殺而埋之馬矢之

中惠伯死不書者史畏襄仲不敢書殺惠伯公冉務人奉其帑以奔蔡既而復

叔仲氏不絕其後

○夫人姜氏歸于齊大歸也惡視之母出姜也嫌與有罪出者異故復發傳將行

哭而過市曰天乎仲為不道殺適立庶市人皆哭

魯人謂之哀姜所謂出姜不允於魯

○莒紀公生太子僕又生季佗愛季佗而黜僕且

多行無禮於國紀號也莒夷無諡故有別號○佗徒何反僕因國人以弑紀公

文公

文公

文公

文公

文公

文公

以其寶玉來奔。納諸宣公。○卓氏爾康曰：紀公多行無禮，僕既因眾以弑，便應得國。如何來奔？國人

既惡庶，其何復立其所愛？若僕實弑，春秋何為沒而不書？吳幼清疑之，遂有趙庄氏改字之說。曰：傳文僕因國人以弑，紀公如改以字作之字，則經文了然。僕非行弑而諸疑可解矣。不知以已二字，古人通用其文以也。其義已也。僕見國人弑君，恐已得禍，竊寶以奔，苟為利而已。公命與之

邑。曰：今日必授季文子使司寇出諸竟。曰：今日必

達。未見公而文子出之故來不書。公問其故。季文子使大史克對曰：先

大夫臧文仲教行父事君之禮，行父奉以周旋，弗

敢失隊。音隊。曰：見有禮於其君者，事之；如孝子之養

父母也；見無禮於其君者，誅之。如鷹鷂之逐鳥雀

也。先君周公制周禮曰：則以觀德。則法也，合法則為吉德。德以處

事。處猶制也。事以度功。度量也。○度待洛反，下同。功以食民。食，養也。○食音嗣。作誓命

曰：毀則為賊。誓，要信也。毀則壞法也。掩賊為藏。掩，匿也。竊賄為盜。賄，財也。

盜器為姦。器，國用也。主藏之名。以掩賊為名。賴姦之用。用，姦器也。為大

凶德。有常無赦。刑有常。在九刑不忘。誓命以下皆九刑之書。九刑之書，今亡。行父

還觀莒僕，莫可則也。還，猶周旋。○還音旋，反覆之意。孝敬忠信為吉德。

盜賊藏姦為凶德。夫莒僕則其孝敬則弑君父矣。

則其忠信則竊寶玉矣。其人則盜賊也。其器則姦

兆也。兆，域也。保而利之則主藏也。以訓則昏，民無則焉。

不度於善。度，居也。而皆在於凶德，是以去之。昔高陽氏

有才子八人

高陽帝顓頊之號八人其苗裔。孔疏先儒舊說及譙周考史皆以顓頊帝譽為帝之身號高陽高辛皆國氏土

地之號

蒼舒。隤。鼓。檇。戠。大臨。虓。降。庭堅。仲容。叔達。

此即垂益禹皋陶之倫庭堅即皋陶字。隤音頤。鼓五才反。檇音桃。戠音演。虓音彪。降音杭。

齊聖。廣淵。明允。

篤誠。天下之民謂之八愷。

齊中也淵深也允信也篤厚也愷和也

高辛氏有

才子八人

高辛帝譽之號八人亦其苗裔。譽苦毒反。

伯奮。仲堪。叔獻。季仲。伯

虎。仲熊。叔豹。季狸。

此即稷契宋虎熊。狸之倫。狸音釐。

忠。肅。共。懿。宣。慈。惠。

和。天下之民謂之八元。

肅敬也懿美也宣徧也元善也。共音恭。

此十六族也。

世濟其美。不隕其名。

濟成也。隕隊也。

以至於堯。堯不能舉舜。

臣堯。舉八愷。使主后土。

后土地官禹作司空。平水土即主地之官。

以揆百事。莫

不時序。地平天成。

揆度也。成亦平也。

舉八元。使布五教于四

方。

契作司徒。五教在寬。故知契在八元之中。

父義。母慈。兄友。弟共。子孝。內平外

成。

內諸夏。外夷狄。昔帝鴻氏有不才子。

帝鴻黃帝。

掩義隱賊。好行凶

德。醜類惡物。頑嚚不友。是與比周。

醜亦惡也。比近也。周密也。嚚魚巾反。比毗志反。

天下之民謂之渾敦。

謂驢也。渾敦不開通之貌。渾戶本反。敦徒本反。

少皞氏有不

才子。

少皞金天氏之號。次黃帝。

毀信廢忠。崇飾惡言。靖譖庸回。服讒

菟。慝以誣盛德。

崇聚也。菟安也。庸用也。回邪也。服行也。菟慝也。慝惡也。盛德賢人也。

天下之民謂

之窮竒。

謂共工。其行窮其好竒。孔疏行惡終必窮。故云其行窮也好惡言好讒。惡是所好竒異于人。

顓頊氏有

不才子。不可教訓。不知話言。

話善也。話戶怪反。

告之則頑。

心舍之則器不道忠信傲很明德以亂天常天下之民

謂之檮杌謂蘇檮杌頑凶無儔匹之貌。很。戶聲反。此三族也世濟其凶增其

惡名以至于堯堯不能去方以宣公比堯行父比舜故言。堯亦不能去須賢臣而除之。縉

雲氏有不才子縉雲黃帝時官名。貪于飲食冒于貨賄侵欲

崇侈不可盈厭聚斂積實不知紀極不分孤寡不

恤窮匱冒亦貪也盈。滿也實財也。天下之民以比三凶非帝者子孫故謂別以比三凶。謂

之饕餮貪財為饕貪食為餮。饕餮他刀反饕他結反。舜臣堯為堯臣。賓于四門闢四門達四聰。

以賓禮。衆賢。流四凶族案四凶罪狀而流放之。渾敦窮奇檮杌饕餮投諸

四裔以禦魑魅投奔也裔遠也放之四遠使當魑魅之災魑魅山林異氣所生為人害者。螭救知反山神獸形魑亡備反說。

文作魁云老精物也魁或從未。是以堯崩而天下如一同心戴舜以為

天子以其舉十六相去四凶也故虞書數舜之功

曰慎徽五典五典克從無違教也徽美也典常也此八元之功。數音所。曰

納于百揆百揆時序無廢事也此八愷之功。曰賓于四門

四門穆穆無凶人也流四凶。舜有大功二十而為天子

舉十六相去四凶也。今行父雖未獲一吉人去一凶矣於舜之

功二十之一也庶幾免於戾乎史克激稱以辨宣公之惑釋行父之志故其言美惡有過

辭蓋事宜也。

○宋武氏之族道昭公子將奉司城須以作亂文公弒昭

公故武族欲因其子以作亂司城須文公弟十二月宋公殺母弟須及昭公子

使戴莊桓之族攻武氏於司馬子伯之館戴族華樂也莊族公

孫師也桓族向魚鱗蕩也司馬子伯華耦也向舒亮友遂出武穆之族穆族黨于武氏故使公孫

師為司城公孫師莊公之孫公子朝卒使樂呂為司寇以靖

國人樂呂戴公之曾孫為宣三年宋師圍曹傳

春秋左傳杜注卷第九



